

Uruunu ambainana ki Yesu Krisi ta Markus ibeede

Yoan, tomtom ki yok kamjana iurpe zaala pa Yesu Krisi

(Mt 3:1-12; Lu 3:1-18; Yo 1:19-28)

¹ Ingi aruunu ambainana ki Anutu Lutuunu Yesu Krisi. Uraata kini imanga ta kembei.

² Mungu Anutu kwoono Yesaya ibeede ka sua ma iso ta kembei:

Nio ko ango tomtom tasa be iwe kwoŋ.

Mi ni ko imuŋgu ma iurpe zaala pu.✧

³ Kaljana ta iboboobo su lele bilimjana.

Iso: ‘Kuurpe zaala pa Merere!

Kapazal zaala pini.’✧

⁴ Sua tana iur ŋonoono se ki Yoan ta ikamam yok pizin tomtom. Pa ni ila pa lele bilimjana, mi ikamam sua pizin tomtom be titooro lenen mi tikam yok. Naso Anutu ireege sanaana kizin.✧

⁵ Mi wal ta boozomen ki lele pakaana ki Yudea, zijan zin Yerusalem kan timap ma tilala kini isu yok Yordan. Mi tizzwe sanaana kizin ila kini, mi ni ikamam yok pizin isu tana.

⁶ Yoan, ni izebzeebi pa mburu ta tiurpe pa kamel rumuunu na, mi ipezekat lwoono pa pus. Mi siizi ta iwe ka kini, mi bigil suruunu ta iwe ka yok.

⁷ Mi ni ikamam sua pizin tomtom ta kembei: “Tomtom tabe imar kaimer pio i, ni mburaana

✧ **1:2:** Mal 3:1; Mt 11:10; Lu 7:27 ✧ **1:3:** Yesa 40:3, 57:14; Yo 1:23 ✧ **1:4:** Ngo 13:24, 19:4

ilip pio. Tana anre itun kembei anrao pini risa som kat. Uraata sorokjana kembei anjuundu mi anputke kumbu keteene ka wooro, ina tomini, anrao ankam pini na som.✠

⁸ Pa nio ankam yok men piom. Mi ni, nako ikam Bubunana Potomjana ma isalakaala yom.”✠

*Yoan ikam yok pa Yesu
(Mt 3:13-17; Lu 3:21-22)*

⁹ Yoan ikamam uraata kini, mi Yesu izem kar Nasaret ki Galilea, mi ipa ma ila ipet ki Yoan isu yok Yordan. To Yoan ikam yok pini su tana.

¹⁰ Beso Yesu ise pa yok, mi mataana isala na, ire saamba imapaala mi kwoono ikaaga, to Bubunana isu kembei mbalmbal mi imbot sala nwaana.✠

¹¹ To tiler kaljana ta imbot saamba mi isu ma iso ta kembei: “Nu na, nio lutun nonono. Nio lelen ambai pu mi lelen pu ilip.”✠

*Sadan itoombo Yesu
(Mt 4:1-11; Lu 4:1-13)*

¹² Tona lonja men mi Bubunana imanga pa Yesu ma izem yok Yordan, mi ila ipet lele bilimjana.

¹³ Ni imbotmbot lele tana pa aigule tomtooru. Mi Sadan ila ma iwedet kini be itomtoombi. Mi ni imbotmbot raama zin buzur sanjanjan, mi zin anela timbesmbeeze pini.✠

*Yesu ikam uraata isu Galilea mi iboobo zin nanjan pan
(Mt 4:12-22; Lu 4:14-15, 5:1-11; Yo 1:35-42)*

✠ **1:7:** Ngo 13:25 ✠ **1:8:** Ngo 2:4, 11:16 ✠ **1:10:** Yesa 64:1
✠ **1:11:** Mbo 2:7; Yesa 42:1; Mt 12:18; Mk 9:7 ✠ **1:13:** Un
2:19-3:7; Mbo 91:11+; 1Kor 15:47

14 Yoan ikamam uraata kini, mi tikiskisi ma tizeebi lela ruumu sanaana. Tona Yesu ila ipet lele pakaana ki Galilea, mi imanja be izzoyaryaara uruunu ambainana ki Anutu.

15 Ikamam sua pizin tomtom ta kembei: “Kelenj! Nol ki Anutu tabe iswe peeze kini ma ipet mat, ta imar igarau kek. Tana kezem mbulu tiom sananana, kotooro leleyom, mi kuurla uruunu ambainana!”[☆]

16 Aigule ta na, Yesu ipiyalyaala pa tai Galilea ka peende ma ila. Mi ire tonmatizinj ru, Simon ma Andreas, tiwaswaaza ma timbotmbot. Pa ziru na, tomtom ye kan.

17 Ire zin, to iso pizin. Iso: “Ai, niomru tina, kamar koto yo. Nio ko anpaute yom be kakam zin tomtom.”

18 To lonja men mi tizem pu kizin, mi tito i ma zinan tila.

19 Tiwwa ma tilae ri to, Yesu mataana ila na, ire Zebedi lutuunu bizin ru, Yems ziru tiziini Yoan, timbotmbot se woongo mi tiurpewe pu kizin.

20 Ire zin na, lonja men mi iboobo zin be timar tito i. Tana ziru tizem taman zinan uraata kan kizin pakan ma timbotmbot woongo, mi timar tito Yesu ma zinan tila.

*Yesu iziiri bubunana sananana pa tomtom ta
(Lu 4:31-37)*

21 Tiwwa ma tila tipet kar Kapenaum. Mi timbot ma ila aigule potonana, to Yesu ilela lupnana muriini mi ikamam sua pizin tomtom.

22 Zin iwal tilej sua kini ma kwon itaanda pa. Pa ni ikamam sua kembei ta zin ngarjan ki tutu

[☆] 1:15: Mt 3:2; Ga 4:4

na som. Izzo katkat sua raama mburaana, kembei tomtom ta zaana pa uraata kini.✠

23 Lupņana muriini kizin leleene na, tomtom ta imbotmbot. Ni, bubuņana sananņana izeebi. Indeeņe ta Yesu ikamam sua pizin tomtom na, tomtom tana iboobi ma kalņaana biibi mi iso:

24 “Aii, Yesu ki Nasaret, nu sombe kam parei piam? Ingi mar be pambiriizi yam? Nio anķilaaalu kek. Nu Anutu tomtom kini potomņana.”✠

25 Tamen Yesu iņasaari ma iso: “Hait, mane mi yooto pini!”

26 Tabe bubuņana sananņana tina iyelkatkat tomtom tina, mi iyak ma kalņaana biibi, to iyooto ma ila ne.✠

27 Zin iwal tana tire mbulu tina ma timorsop pa Anutu mburaana. Mi tiparwwi zin ma tiso: “Wai, mbulu ti, pareiņana? Ingi sua popoņana ta mburaanaņana kat. Pa ni iurur sua pizin bubuņana sananņan, mi zin tomini tilenļeļ la kalņaana.”

28 Tabe loņa men mi Yesu uruunu irak ma irao pa kar ta boozomen ki lele pakaana ki Galilea.

Yesu iziiri mete pizin wal boozomen

(Mt 8:14-17; Lu 4:38-41)

29 Tiyooto pa lupņana muriini, to loņa men mi tila pa ruumu ki Petrus ziru Andreas. Mi Yoan ziru Yems, ta tigaaba zin ma ziņan tila.

30 Simon rwoono mooribi, ni kuliini ibayou kat ma ikenne. Tabe loņa men mi tisotaara Yesu pini.

31 To Yesu ila kini ma iteege namaana, mi iwiti ma imanņa. Tana mete iko pini mi niini ambai mini, to ila ma iurpe kan kini.

✠ 1:22: Mt 7:28+ ✠ 1:24: Mt 25:41; Mk 15:39; Yems 2:19

✠ 1:26: Mk 9:26

³² Rou ma zoŋ isula na, zin iwal tiyyo metenjan kizin ta boozomen ziŋan zin wal ta bubuŋana sananjan tizeebe zin na ma tila ki Yesu.

³³ Zin kar kan timap ma timar tilup zin su ru-umu kwoono.

³⁴ Mi Yesu iurpe tomtom boozomen pa mete matakiŋa ma nin ambai, mi iziiri bubuŋana sananjan boozomen pizin tomtom tomini. Mi bubuŋana sananjan na, tikilaali kek. Tana ni ipeteke zin be tiso ka sua pepe.✧

Yesu izzoyaryaara sua isu Galilea

(Lu 4:42-44)

³⁵ Aigule toro mbenbenjana na, Yesu imanja mi izem kar, mi ila pa lele ta ka tomtom somjana i bekena itutamen imbot mi isun.✧

³⁶ Mi Simon ziŋan waene bizin tila be tiru i.

³⁷ Tila ma tindeenji, to tiso pini ma tiso: “Wai, nu mar lele ti paso! Iwal biibi ta tirru u a.”

³⁸ Yesu ipekel kwon ma iso: “E-e, pa inŋi be tala pa kar pakan ta koloulouŋan i, bekena aŋkam sua ki Anutu pizin tomini. Pa nio aŋmar pa uraata ta kembei.”

³⁹ Tana imanja mini, mi ipa pa kar ta boozomen ki Galilea ma ila. Mi ikamam Anutu sua kini pizin tomtom lela lupjana murin kizin, mi izirziiri bubuŋana sananjan pizin tomtom.

Yesu iurpe tomtom ta mbetmbeete sananjan ikami

(Mt 8:1-4; Lu 5:12-16)

⁴⁰ Tomtom ta, ni mbetmbeete sananjan ikami. Imar ki Yesu mi inŋun kumbu mbukuunu su

✧ **1:34:** Mk 1:24, 3:11+; Lu 4:41 ✧ **1:35:** Mbo 5:3; Mt 14:23; Mk 6:46

kereene uunu, mi itanjoro i ma iso: “O yae, sombe lelem isaana pio, na nu rao ziiri mete tio ti ma kuliŋ ingeeze mini.”

⁴¹ Tana Yesu leleene isaana pini, mi iteegi ma iso: “E, nio leleŋ be aŋuulu u. Kulim ambai lak.”

⁴² Mi loŋa men mi mete tana iko pini ma kuliini ingeeze mini.

⁴³⁻⁴⁴ To Yesu iur sua mbolŋana pini ta kembei. Iso: “Leŋ kat! Sombe la, na so tomtom sa pa mbulu ti pepe. Kaŋkaŋ ma la, mi pamaala itum pa patoronŋana ka tomtom sa muŋgu. Mi kam patoronŋana pa Anutu mi pakuri pa kulim ta ingeeze na, kembei ta tutu ki Mose iso. Naso ipombol zin patoronŋana kan be tiurla tio.”[☆]

⁴⁵ Tamen tomtom tina, ni ito sua ki Yesu som. Ila na, loŋa men mi isoyaara uraata tana uruunu pizin tomtom boozomen ma ila. Tabe Yesu, ni irao ilela kar sa leleene mini som. Ni imbotmbot lele bilimŋana men. Tamen zin karkari tikonjuru i ma tilala kini.

2

*Yesu iurpe tomtom narapeŋana ta
(Mt 9:1-8; Lu 5:17-26)*

¹ Yesu imbotmbot su lele tina ma aigule pakan ilae, to imiili ma ila mini pa kar Kapenaum. Mi zin wal tileŋ uruunu kembei ni imiili ma imar imbotmbot ruumu kini,

² to tomtom boozomen timokor lela ruumu kini ma bok ma bok kat. Zin iwal biibi mete. Tabe tipakaala kataama ma zalan som. Yesu ikamam sua ki Anutu pizin,

[☆] **1:43-44:** Wkp 14:1+

3-4 mi tomtom paŋ tisiŋ tomtom narapejana ta ma timar be Yesu iurpe i. Tamen len zaala sa be tilela na som. Tana tikam narapejana tina mi tisala pa ruumu uteene, to tipetepis mi titu i ma isula ma indeeje kat Yesu kereene uunu.

5 Yesu ire wal tina urlajana kizin imbol kat. Tana iso pa tomtom narapejana tina ta kembei: “Tiziŋ, sanaana ku ta aŋreege kek.” ✧

6 Zin ŋgarjan ki tutu pakan ta timbotmbot tana, tileŋ Yesu sua kini, to lelen iur pini ta kembei:

7 “Ai, to ti iso sua kembeia paso? Inga sa ipasaana sua pa Anutu na! Tomtom sa irao be ireege sanaana na som. Anutu itutamen ta irao.” ✧

8 Mi Yesu, ni iute ŋgar kizin kek. Tana isu mi iso pizin. Iso:

9-10 “Parei ta leleyom iurur mi kakamam ŋgar boozo. Sua tanŋoi ta imarra be aŋso: Aŋso pa tomtom narapejana ti be aŋreege sanaana kini, som aŋso pini be burup ma imanŋa, mi ilek mburu kini, mi ipa ma ila? Mi leleŋ be niom kuute kat ta kembei: Tomtom Lutuunu, ni zaana be ireege sanaana kizin tomtom isu toono.” Iso sua tana ma imap, to iso pa tomtom narapejana tana ma iso:

11 “Nio aŋso pu: Manŋa, lek mi ku, mi la pa ruumu ku.” ✧

12 To wal ta boozomen tikor matan pa narapejana tina, mi ni imanŋa ma ilek mi kini, mi ila lene. Mi zin iwal ta tire mos tina na, timurur pa Anutu mburaana mi tikam ŋgar boozo pa. Mi tipakur Anutu ma tiso: “Wai, ta muŋgu mi imar na,

✧ 2:5: Lu 7:48 ✧ 2:7: Mbo 32:5; Yesa 43:25; 1Yo 1:9 ✧ 2:11: Yo 5:8; Nŋo 3:6

tere mbulu sa ta kembei pasa zen.” ✧

*Yesu iso pa Lebi ma ito i
(Mt 9:9-13; Lu 5:27-32)*

¹³ To Yesu izem kar tina, mi ipiyaala mini pa tai Galilea ka peende. Mi iwal biibi ta tito i mi ziŋan tiwwa ma tila.

¹⁴ Iwwa ma ila, mi ire Alpeus lutuunu Lebi, ni tomtom ta iyyo takesŋana i, imbutultul su uraata kini muriini mi ikamam uraata. Yesu ire i, to iso pini. Iso: “Mar to yo.” Tana Lebi imaŋga, mi ito i ma ziŋan tila.

¹⁵ Kaimer to Lebi iso pa Yesu ziŋan naŋgaŋ kini be tila tikan kini isu ruumu kini. Mi wal pakan ta tiyyo takesŋan i mi wal sananŋan pakan, ta timar mi ziŋan tikanan kini ma timbotmbot. Pa wal ta kembei na, boozomen ta titoto Yesu.

¹⁶ Zin tutu kan pakan ta len ŋgar biibi pa tutu na, tire Yesu ziŋan zin wal ta tiyyo takesŋan i mi wal sananŋan tina tikanan kini ma timbotmbot, to timaŋga na tiso pizin naŋgaŋ kini. Tiso: “Wai, parei ta biibi tiom ziŋan zin wal sananŋan tina tikanan kini la mbata?” ✧

¹⁷ Yesu talŋaana ikam la pa sua tana, to iso pizin ma iso: “Parei, tomtom ta iurpewe zin metenŋan i, ko ila pizin wal ta nin ambaimbaiŋan? Som. Ni ilala be iuulu zin wal metenŋan. Mi nio ta kembena. Aŋmar be aŋboobo wal ndeenŋenŋan na som. Nio aŋmar pizin wal sananŋan.” ✧

*Wiŋana pa mbulu ki kini ŋgalsekŋana
(Mt 9:14-15; Lu 5:33-35)*

✧ **2:12:** Mt 9:33 ✧ **2:16:** Mt 11:19; Lu 15:1+ ✧ **2:17:** Lu 19:10; 1Tim 1:15

¹⁸ Yoan ta ikamam yok pizin tomtom na, nanḡanḡ kini zinḡan nanḡanḡ kizin tutu kan tinḡalseksek zitun pa kini kanḡana, bekena matan inḡal kat Anutu. Tana aigule ta na, wal pakan tila ki Yesu mi tiwi i ta kembei. Tiso: “Nanḡanḡ ki Yoan zinḡan nanḡanḡ kizin tutu kan, zin tinḡalseksek zitun pa kini kanḡana bekena matan inḡal kat Anutu. Mi uunu parei ta nanḡanḡ ku tina titoto mbulu tana som?”

¹⁹ Yesu ipekel kwon ma iso: “Sombe tikam kini biibi pa ula popoḡana sa, inako parei pa wal ta timar pa kini kanḡana na? Ko lelen ipata mi tikan kini som? Som. Ko tikan. Pa tomooto ta iwoolo popoḡana na, ni imbotmbot raama zin, tana lelen ambai.

²⁰ Mi kaimer, ma sombe wal sa timar mi tikam tomtom ula kana tina ma izem zin, tona toroono bizin ko lelen ipata pini, mi tinḡalsek zitun pa kini kanḡana.”

Zaala munḡuḡana irao igaaba zaala popoḡana na som

(Mt 9:16-17; Lu 5:36-39)

²¹ Yesu iseḡḡe sua kini mini ma iso: “Kawaala munḡuḡana ta imaraaza kek na, ko tesesekaala pa kawaala suruunu ta popoḡana i? Ina som. Kokena kawaala popoḡana suruunu iselul ma iwe musaari, to kawaala munḡuḡana tana imaraaza ma biibi kat.

²² Mi yok baen ta kembena. Ko tilinḡ popoḡana isula baen putuunu munḡuḡana? Inako som tomini. Kokena baen popoḡana iti putuunu munḡuḡana, to imapaala mi baen borok su

lene. Som. Baen poponjana bela isula putuunu poponjana.” ☆

Yesu ta imborro aigule potomjana
(Mt 12:1-8; Lu 6:1-5)

²³ Indeeje aigule potomjana ta kizin Yuda tabe keten su pa i na, Yesu zinan nanganj kini tiwwa pa zaala ta ila pa wit lene. Mi nanganj kini tiwwa ma tila, mi tikewe nonon pakan. ☆

²⁴ Mi tutu kan pakan tire zin, to timanga mi tiso pa Yesu ta kembei. Tiso: “Ai re! Ingi sa aigule potomjana tabe ketende su pa i. Nanganj ku tina tikewe wit nonon paso? Pa mbulu ta kembei na, tutu ingalsek pa.” ☆

²⁵⁻²⁶ Yesu ipekel kaljan ma iso: “Sua ta iso pa mazwaana ta king Dabit zinan wal kini petel zin ma tiru zalan na, niom kapaata som? Sua tana iso ta kembei: Indeeje Abiatar iwe biibi kizin patoronjana kan na, Dabit ilela beeze ki Anutu mi ikan narabu potomjana ta tiurur la Anutu kereene uunu na. Narabu tana, ka ngalsekijana. Pa tutu iso zin patoronjana kan men ta tirao be tikan. Mi som. Dabit ikam ma ikan, mi ikam pizin wal kini ma tikan tomini. Mi ka sua sa som.” ☆

²⁷ To Yesu iposop sua kini mi iso: “Aigule potomjana tabe ketende isu pa i, ina Anutu iur be iwe patanana pizin tomtom som. Ina, ni iur bekena iuulu zin. ☆

²⁸ Tana aigule potomjana tabe ketende isu pa i, Tomtom Lutuunu ta imborro.” ☆

☆ **2:22:** Ngo 15:1-29; Ro 10:4; Ibr 8:13 ☆ **2:23:** Lo 23:25 ☆ **2:24:** Kam 20:10, 34:21 ☆ **2:25-26:** 1Sam 21:4+; Wkp 24:5+ ☆ **2:27:** Kam 23:12 ☆ **2:28:** Kol 2:16-17

3

Yesu iurpe tomtom nama kaamaņana pa aigule potomņana

(Mt 12:9-14; Lu 6:6-11)

¹ Indeeņe aigule potomņana toro tabe keten su pa i na, Yesu ilela lupņana muriini mini, mi tomtom nama kaamaņana ta, ni imbotmbot lela lupņana tana.

² Mi tutu kan pakan, zin tireudut Yesu, beso ni iurpe tomtom tina pa aigule potomņana, tonabe iwe le uunu be tinģal mataana pa.

³ Tana Yesu iso pa tomtom nama kaamaņana tina ma iso: “Maņga mi mender la iwal biibi matan.”

⁴ Tona iwi zin tutu kan ma iso: “Mbulu pareiņana ta ito kat aigule potomņana ka tutu. Takam mbulu ambaiņana, som takam mbulu sanaņana? Tu'uulu zin tomtom, som tapasaana zin?” Yesu igiibi sua tina, mi zin len sua sa som. Timaane men. ☆

⁵ Tona igeede zin raama keteene malmal. Mi tamen leleene ipata pizin tomini. Paso ņgar kizin imbol kat. Irao titooro zin na som. To iso pa tomtom nama kaamaņana tina ma iso: “Swooro nomom.” Beso iswooro namaana na ambai.

⁶ Tabe zin tutu kan tana timaņga ma tizem lupņana muriini, mi tila ma ziņan zin wal ta tilae ki Erot na, tilup zin mi timbuuru Yesu kana be tipuni ma imeete. ☆

Iwal biibi tito Yesu
(Mt 12:15-16; Lu 6:17-19)

⁷ To Yesu ziŋan nanŋaŋ kini tizem lele tina, mi tisula pa tai Galilea. Mi iwal biibi ki Galilea, ta tito zin ma ziŋan tila.

⁸ Mi zin wal ta Yudea kan, Yerusalem kan, Idumea kan, mi zin wal pakan ta timbot Yordan pakaana mbaaga, mi lele pakaana ki kar Tiro mi Sidon na tomimi, zin tileŋ Yesu uruunu pa uraata bibip ta ni ikamam ma iwedet na, to timap ma tila be tire i.

⁹ Yesu ire zin wal biibi tana, to iso pizin nanŋaŋ kini be tire le woŋgo sa be ise. Kokena iwal biibi tisala pini.

¹⁰ Pa ni iurpe zin metenŋan boozo ma nin ambai kek. Tana wal metenŋan boozomen tizorzooro ma tipusuksuk zin tomtom be tila tigarau i mi titeegi.

¹¹ Mi zin bubuŋana sananŋan tire i na, titoptop su kumbuunu uunu, mi kalŋan izalla ma tiso: “O biibi, nu Anutu Lutuunu tau!” ✧

¹² Tamen Yesu iŋasaara zin mi ipeteke zin be tiswe i pizin tomtom pepe.

*Yesu ipeikat nanŋaŋ laamuru mi ru ma tiwe lene
(Mt 10:1-4; Lu 6:12-16)*

¹³ Kaimer to Yesu iwwa ma isala abal ta, mi iboobo tomtom pakan ta ni leleene iur pizin na, ma tila kini.

¹⁴⁻¹⁵ To ipeikat tomtom laamuru mi ru be tigaabi ma ziŋan tiwwa, mibe iŋgo zin ma tila tisoyaara Anutu sua kini. Mi ikam len mburan be tiziiri bubuŋana sananŋan pizin tomtom.

¹⁶ Zin laamuru mi ru ta ni iur zin pa uraata na, zan ta kembei: Simon (ni, Yesu ipaata zaana toro be Petrus),

✧ **3:11:** Mk 1:24,34; Lu 4:41; Nŋo 19:15

17 Yems ziru tiziini Yoan (wal ru tina, Zebedi lutuunu bizin. Mi zan toro tipaata tisombe Boanerges. Zaana tana ka uunu ta kembei: ‘Lolo lutuunu bizin’.) ✧

18 To Andreas, Pilip, Batolomai, Matai, Tomas mi Yems toro, ta Alpai lutuunu i, Tadeus, Simon (ni igabgaaba zin wal ta tisombe tikam malmal pa Rom mi tiziiri zin na),

19 mi Yudas Iskariot ta kaimer iur Yesu ila ka koi bizin naman.

*Tiso Yesu ikam Sadan mburaana
(Mt 12:22-32; Lu 11:14-23, 12:10)*

20 Tona Yesu ila ma ilela ruumu ta. Mi wal boozo ta tila timokor la kini mini. Tabe ziŋan nanŋan kini tiroo be keten su mi tikan kan kini na som. ✧

21 Mi indeeŋe Yesu tiziini bizin tileŋ uruunu, to tila be tikiskisi. Pa tiso ko ŋgar kini ikankaana. ✧

22 Mi zin ŋgarŋan pakan ki tutu ta timbot Yerusalem mi timar na, tiŋgal sua pini ta kembei. Tiso: “Belsebul, biibi kizin bubuŋana sananŋan ta izeebi mi ipombolmboli, tanata ni le mburaana be iziiri zin bubuŋana sananŋan.” ✧

23 To Yesu iboobo zin ma timar kini, mi ikam sua tooroŋana ti pizin. Iso: “Lak, ko Sadan iur koi pa itunu wal kini mi iziiri zin?”

24 Parei, lele sa, sombe ka tomtom bizin tibalak zitun mi tiparkam malmal pizin, ko timbot ambai? Som.

25 Mi sombe ruumu sa ka tomtom bizin tiparwe kan koi mi tiporrou, ko ruumu tana irao be imbot? Som.

✧ 3:17: Lu 9:54 ✧ 3:20: Mk 6:31 ✧ 3:21: Yo 7:5, 10:20

✧ 3:22: Mt 9:34

²⁶ Tana Sadan ta kembena. Sombe iur koi pa itunu mi wal kini mi tiparkamam malmal pizin, inako zaana mi mburaana imap.

²⁷ “Parei, ko tomtom sa irao be ilela sorok ruumu ki tomtom ta ni mburaana biibi na, mi iyo mburu kini? Som. Bela ipun ruumu katuunu ma mburaana imap mi ipo namaana mi kumbuunu, tonabe iyo koronj kini ta boozomen. ☆

²⁸ Nio anso kat piom ta kembei: Sanaana ta boozomen kizin tomtom, mi sua sananjan boozomen ta tiwirri pa Anutu, inako Anutu irao ireege pizin.

²⁹ Tamen sua sananjana ta so tipiri pa Bubunana Potomjana, inako Anutu ireege pizin na som. Som ma som kat. Ko imbotmbot ma alok.” ☆

³⁰ Yesu iso sua tana pizin paso, zin tisombe bubunana sananjana ta izeebi.

*Yesu naana mi tonmatizij kini
(Mt 12:46-50; Lu 8:19-21)*

³¹ Tona Yesu naana mi tiziini bizin timar ma timbot mat, mi tiso lela pini be ipet ma zin tire i.

³² Tana Yesu imbotmbot lela iwal biibi lenen, mi sua ikami ta kembei: “Ai, nom ma tizim bizin ta timar timbotmbot mat a. Tiso tire u.”

³³ Tamen Yesu ipekel kwon ma iso: “Anan ma tizij bizin zinjoi?”

³⁴ Tona mataana ikam zin wal ta tiliu i, mi iso ta kembei: “Kere. Wal ti ta nio anan ma tizij bizin.

³⁵ Pa wal ta so tilenlen la sua ki Anutu mi titoto, ina zin ta ko tiwe nio anan mi tizij mi lunri bizin.” ☆

☆ **3:27:** Kol 2:15; 1Yo 3:8, 4:4; Tur 20:2 ☆ **3:29:** Mt 12:31+; Lu 12:10; Ibr 10:26+ ☆ **3:35:** Yo 15:14; Ro 8:29; Ibr 2:11+

4

*Sua tooroŋana pa kini iweniwen tiyaaraŋana
(Mt 13:1-9; Lu 8:4-8)*

¹ To Yesu ipera pa tai Galilea ka peende, mi imanŋa mini be ikam sua ki Anutu pizin tomtom. Mi iwal biibi ta timokor la kini. Tana iru zalaana ma som, to ilu i se woŋgo ma mbuleene isu, mi tipusuki ma iperae ŋana ri. Mi iwal biibi tana timaramraama su peende mi tiur talŋan pa sua kini.

² Mi Yesu ipaute zin pa koron boozomen ila sua tooroŋan. Ni iso pizin ta kembei:

³ “Kunŋun talŋoyom mi kelenŋ. Lwoono ta na, tomtom ta, ni ikam kini iweniwen, mi ila mokleene kini be itiyaara.

⁴ Itiyaryaara ma ila na, pakan titoptop su zaala keteene. Mi man timar ma tire su pa, to tiŋa kan ma tila.

⁵ Mi pakan na, titoptop su toono ta ranŋ biibi imbot meleebe na. Tana tisula kat toono leleene som, mi karau men mi tindomdom.

⁶ Beso zoŋ ise ma mataana kat, to run imelle ma timetmeete. Paso, uranuran isula kat toono leleene som.

⁷ Mi pakan na, titoptop su toono pakaana ta worwooro matanmatanŋan tindomdom pa i. Beso worwooro tindom na, tikaukau kini tana ma isaana. Tabe kini iweniwen tana tipiyooto ŋonoono som.

⁸ Mi pakan na, titoptop su toono pakaana ta ambainŋana. Tana tise to, titum ambai ma tipiyooto ŋonoono. Kiini pakan tipiyooto ŋonon boozo, pakan boozo kat, mi pakan boozo ma ilip.”

⁹ Yesu iso sua tana ma imap, to ipombol ta kembei: “Niom so talḡoyom, na kelenḡ sua ti mi kakam ḡgar pa.”

Uunu ta Yesu ikamam sua ila sua tooroḡan
(Mt 13:10-17; Lu 8:9-10)

¹⁰ Kaimer ma zin iwal biibi tila len mana, Yesu zinḡan nanḡanḡ kini laamuru mi ru mi wal pakan, zin men timbotmbot. To zin tiwi i pa sua kini tooroḡanḡan.

¹¹ Mi ni iso pizin ma iso: “Peeze ki Anutu na, ka ḡgar turkenḡana. Mi inḡi Anutu isombe ipeeze ḡgar tana ma imbot mat piom. Mi zin wal ta timbot lela peeze ki Anutu leleene som na, tilenḡlenḡ sua kini ila sua tooroḡan men.

¹² Kokena titooro lelen mi Anutu ireege sanaana kizin. Tanata tirre pa matan, tamen tikilaala som. Mi talḡan ilenḡlenḡ, tamen tikam ḡgar pa ka uunu som.”✧

Yesu ipeeze sua ta ni itooro pa kini iweniwen tiyaaranḡana
(Mt 13:18-23; Lu 8:11-15)

¹³ To Yesu iwi zin ma iso: “Niom sombe kakankaana pa sua ti ka uunu, inako kikilaala sua tooroḡan pakan kan un be parei?

¹⁴ Kini iweniwen ta tomtom tana itiyaryaara, ina Anutu sua kini.✧

¹⁵ Kini iweniwen ta titoptop su zaala keteene na, ina ise kizin wal ta tilenḡ sua ki Anutu, mi karau men Sadan imar mi itatke sua tana pizin.

✧ **4:12:** Yesa 6:9+; Yo 12:40; Nḡo 28:26+; Ro 11:8 ✧ **4:14:** 1Pe 1:23

¹⁶ Mi kini iweniwen pakan ta titoptop su toono ta ranj biibi imbot meleebe na, ina ise kizin wal ta tileŋ sua ki Anutu, mi loŋa men tikan la mi menmeen zin pa.

¹⁷ Tamen sua tina isula kat lelen som. Tana tiurla mazwaana rimen, mi sombe pataŋana sa indeeŋe zin, som wal pakan tiseeze matan pa uunu tau titoto sua ki Anutu, to karau men mi tizem urlaŋana kizin.

¹⁸ Mi kini iweniwen ta titoptop su toono pakaana ta worwooro matanmatanŋan tindomdom pa i, ina ise kizin wal ta tileŋ Anutu sua kini.

¹⁹ Tamen tikam ŋgar biibi mete pa pataŋana ta izze kizin i, mi koronj matakiŋa ki toono ipalpaala matan, ma lelen ilip pa koronj pakan. Tabe koronj soroksorok tina ikaukau zin, ma urlaŋana kizin ipiyooto ŋonoono ambaiŋana sa som.✠

²⁰ Mi toono pakaana ambaiŋana ta kini iweniwen pakan titoptop su pa na, ina ise kizin wal ta tileŋ Anutu sua kini, mi tikam ma imbol pizin. Tabe urlaŋana kizin ipiyooto ka ŋonoono. Pakan tipiyooto uraata ambaimbaiŋan boozo, pakan boozo kat, mi pakan boozo ma ilip.”✠

Sua tooronŋana pa lam
(Lu 8:16-18)

²¹ Yesu iso mini ma iso: “Parei? Sombe tutun lam sa, ko tuur lela mbalia kopo mbarmaana, som tukutunkaala pa timbiiri? Som. Iti tuurur se kor.✠

✠ **4:19:** Mt 19:23+; Lu 12:15; 1Tim 6:9,17; 1Yo 2:15+ ✠ **4:20:** Yems 1:25 ✠ **4:21:** Mt 5:15; Lu 11:33

22 Tana koronj turkenjan, inako kaimer tiswe ma ipet mat. Mi koronj zuknan, inako kaimer tipeeze ma borok su.✠

23 Niom so talnjoyom, na kelenj sua tio ti mi kakam ngar pa.”

24 Mi Yesu iso pizin mini ma iso: “Sua ta niom kelenjen i, na kakam kat ngar pa. Pa mbulu parejnana ta so kakam pa sua tana, inako kere ka pekeljana, mi ko ilip.✠

25 Pa tomtom ta so ikam ngar pa sua ki Anutu, mi ikam ka uraata, inako Anutu ikam le ngar pakan ma isala ki. Tamen ni ta ikam ngar pa som, mi ikam ka uraata som na, ngar kini musaari tina, Anutu kola itatke pini.”✠

Yesu itooro sua pa kini iweene ta indom ma ise

26 Yesu iso mini ma iso: “Peeze ki Anutu na, ka mbulu kembei ta tomtom ta. Ni ikam kini iweniwen ma itiyaryaara isu mokleene.

27-28 Itiyaara makinj, to imbotmbot mi iurur mataana pa toono be ikam ma kini indom ma ise mi ipiyooto njonoono. Tana ni ikenne pa mbenj, mi iloulou pa aigule, mi toono itunu iputum kini tina. Mi mbulu tabe kini itum pa i, ina ni iute som. Lonja men mi ber ma ise, to iur kiini ma isala, iur ruunu, to njonoono.✠

29 Mi sombe njonoono irao pa kannana mi mai ka nol ipet, na katuunu ko ingo zin uraata kan ramaki buza ma tila tiyembut, mi tiyo ma tila ruumu kini.”✠

✠ 4:22: Mt 10:26; Lu 12:2 ✠ 4:24: Mt 7:2; Lu 6:38 ✠ 4:25: Mt 13:12, 25:29; Lu 19:26 ✠ 4:27-28: Yems 5:7 ✠ 4:29: Tur 14:15+

*Yesu itooro sua pa zeere mastet
(Mt 13:31-34; Lu 13:18-19)*

³⁰ Yesu ikam sua toorojana mini mi iso ta kembei: “Peeze ki Anutu na, ka mbulu pareijana? Ko anso se ki sokorei, to kakam ngar pa?”

³¹ Ina kembei ta mastet iweene. Koron tina na, somto kat pa koron iweniwen ta boozomen isu toono ti.

³² Tamen sombe tapaaza sula toono, na indom ma ise, mi isala ma ilip pa zin zeere pakan ma iwe kembei ta ke i. Mi iur namannaman bibip ma iur narenren pizin man tabe tipo len ngini sala.”[☆]

³³ Tana Yesu ikam sua ki Anutu ila sua toorojan boozomen ta kembei. Pa isombe ikam sua ta irao pa ngar kizin bekena tilej mi tikam ngar pa.

³⁴ Tana iwal biibi na, ni ikamam sua toorojan men pizin. Mi sombe zijan nanjan kini men timbotmbot, tona iwesweeze sua uunu ta boozomen pizin.

*Yesu ipunmeete miiri ma duubu
(Mt 8:23-27; Lu 8:22-25)*

³⁵ Timbotmbot ma rou, to Yesu iso pizin nanjan kini ma iso: “Ayo, tamanga mi takam woongo ma talae mbaaga.”

³⁶ Tana tizem zin iwal biibi tina ma timbotmbot, mi nanjan kini tiyo zin se woongo ta Yesu imbotmbot sala na, ma tila. Mi woongo pakan tomini tigaaba zin ma zijan tila.

³⁷ Tila lukutuunu, to miiri ipol ma mburaana, mi ipei duubu ma ise. Tabe ikam ma lele isaana kat, mi tai borokborok sula woongo leleene mabe woongo imon.

[☆] 4:32: Mt 24:14

³⁸ Mi Yesu, ni iur uteene se kiliigi mi ikenne ta woongo mbuleene a. Tana nanḡaḡ kini tipai i mi tiso: “Wae, mos katuunu, re iti! Ingi be tomon i!”

³⁹ To Yesu imanḡa mi inḡasaara miiri. Mi iso pa duubu: “Hai! Ur nim. Pol mini pepe!” Tona miiri imap mi taun biibi isu.

⁴⁰ To Yesu iso pizin nanḡaḡ kini ma iso: “Komoto sorok paso? Urlanana tiom imbol zen?”

⁴¹ To motonḡana biibi ikam zin ma tikam nḡar boozo. Mi tiparso sua pizin ma tiso: “Wai, to ti ni pareinḡana, ta miiri ma duubu tomini tilenḡeḡ la kalḡaana?”[☆]

5

*Yesu iziiri bubunḡana sananḡan pa tomtom ta
(Mt 8:28-34; Lu 8:26-39)*

¹ Yesu zinḡan nanḡaḡ kini tila tipet lele pakaana kizin Gerasa, ta imbot la tai pakaana mbaaga na.

²⁻³ Yesu izem woongo mi ilu i su peende na, tomtom ta ikonḡuru i ma imar. Tomtom tana bubunḡana sananḡana ikami ma imbotmbot lela raḡ sumbunsumbun ta tiurur zin wal meetenḡan lela i. Mi tomtom tirao be tikiskisi mi tipo i na som.

⁴ Pa titomtoombo be tipo kumbuunu ma namaana pa re mi sen na, ni iyatutut zin mi iko ma ila ne. Tana tomtom tirao be tiyaraami na som. Pa ni mburaana ilip kat.

⁵ Ni ra, ikennekaala mataana som. Mbeḡ ma aigule na, iwwa le sorok pa su, mi imbotmbot ta zin meetenḡan murin ma iyakyak mi itartaara itunu pa pat.

[☆] **4:41:** Mbo 65:7, 89:9, 107:29

⁶ Ni imbot molo mi mataana ila na ire Yesu. To iloondo ma ila itop su kereene uunu.

⁷⁻⁸ Tona Yesu iso pa bubuḡana sananḡana tana be iyooto pa tomtom tana. Tabe ni iboobo se pini ma iso: “Aii, Yesu, Anutu kor kana Lutuunu, iḡgi ko kam parei pio? Nio anḡanḡoro u pa Anutu zaana, seeze motoḡ pepe!” ✨

⁹ To Yesu iwi i. Iso: “Ai, nu zom asiḡ?” Mi ni ipekel ma iso: “Nio zoḡ Legion. * Pa niam ta iwal kat.”

¹⁰ To bubuḡana sananḡana tina itanḡoro i be iziiri zin pa lele tana pepe.

¹¹ Lele tana na, ḡge uunu biibi kat ta tikanan sala abal zilḡaana ma timbotmbot.

¹² Tana bubuḡana sananḡan tina tiso pini ma tiso: “A, yok piam ma amla amloondo pizin ḡge tiḡga.”

¹³ Ni iyok pizin, tona tiyooto pa tomtom tana mi tila tiru pizin ḡge. ḡge uunu tana biibi kat, kembei munḡaana ru (2,000) ma iḡgi. To zin ḡge tana tiko, mi tiparkamtoto zin ma tila pa yok tatiliuḡana kezeene, to tizirir pa dogo ma tisula, mi tiwin katkat yok ma timetmeete lup.

¹⁴⁻¹⁵ Zin tomtom ta timborro ḡge ḡan i, tire mbulu tina, to tiko ma tila mi tizzo uruunu pizin tomtom ta boozomen ma irao kar ma ila. Tabe tomtom timeke ma tila be tire kat mbulu ta ipet na. Tipet ki Yesu na, tire tomtom ta mungu bubuḡana sananḡan boozomen tizeebi na, ḡgar kini ambai mini, mi iurpe runḡuunu ma ambai, mi imbutultul

✨ **5:7-8:** Mt 25:41; Mk 1:24; Yems 2:19 * **5:9:** Wal zaaba kan 6,000 na, tipaata zin be ‘legion.’

ma imbotmbot. Wal tana tire i na, motoŋana biibi ikam zin.

¹⁶ Mi zin wal tau timbotmbot ma tire kat mbulu ta Yesu ikam pa tomtom tina mi zin ŋge na, tipit mbol pa ma iwal tileŋ.

¹⁷ Tona iwal tana timaŋga mi timaŋmaŋ Yesu be izem lele kizin, mi ila pa lele pakaana toro sa.

¹⁸ Tana Yesu ila ma ise woŋgo mini. Beso ila na, tomtom tana ikam biluunju be ziŋan tila.

¹⁹ Tamen Yesu iyok pini som, mi iso pini ta kembei. Iso: “Miili ma la kar ku, mi so zin toŋmatiziŋ ku pa mbulu ta Anutu ikam pu na. Pa ni imuŋai u mi ikam uraata biibi pu.”

²⁰ Tana tomtom tina ila, mi isoyaara sua pa uraata biibi ta Yesu ikam pini na isu kar ta boozomen ta imbot lele pakaana ki Dekapolis na. Mi wal boozomen ta tileŋ sua kini na, timurur pa Anutu mburaana. Tikam ŋgar pa ma tirao som.

Yesu iurpe moori ta, mi ipei Yairus lutuunu moori ma imaŋga mini

(Mt 9:18-26; Lu 8:40-56)

²¹ Yesu ziŋan naŋgaŋ kini tikam woŋgo, mi timiili ma timar mini pa tai pakaana mbaagi, to zin iwal biibi timar ma timokor la kini su peende, mi ziŋan timbotmbot.

²² Mi mboronŋan ta ki lupŋana muriini, zaana Yairus, ni ila ipet ki Yesu, mi itop su kumbuunu uunu,

²³ to itaŋroro i ma iso: “O biibi, lutuŋ moori ra, mete biibi ikami mabe imeete. Mar ruumu tio ma nomom isalakaali, bekeni niini ambai mini. Kokena imeete.”

²⁴ Tana Yesu imanga mi ziru tipa ma tila. Mi iwal biibi ta tikuuti mi tiparzalla pizin ma ziŋan tila.

²⁵ Tiwwa ma tila na, tindeenje moori ta. Ni, mete kizin moori ikami ma ikisi pa ndaama laamuru mi ru kek.

²⁶ Ni ilala kizin tomtom ta tiurpewe zin metenjan i, mi ire yoyouŋana biibi ila naman, mi ipasaana koronj kini ta boozomen pizin beken a tiuuli. Tamen tikam, na som. Mete kini tana ipasaani mabe isaana kat.

²⁷ Moori tana ilenj Yesu uruunu kek. Tana itokel-keeli ma ila be iteege mburu kini.

²⁸ Pa ikam njar ta kembei: “Oo, sombe anteege lae pa mburu kini koronjana risa, to mete tio imap.”

²⁹ Beso iteege na, iyamaana itunu kembei mete kini imap ma niini ambai.

³⁰ Mi indeenje tana, Yesu iyamaana itunu kembei mburaana ri izemi. Tana mataana imiili pizin iwal biibi tana mi iwi zin. Iso: “Asinj ta iteege mburu tio?” ☆

³¹ Mi nanjanj kini tipekel kwoono ma tiso: “Nu wi paso? Zin iwal biibi ta tizalla piti i, motom ma re zin som?”

³² Tamen Yesu mata rru tomtom ta iteege na.

³³ Beso moori tina iyamaana itunu kembei mete kini imap na, motonjana ikami mi kete kutkut. To ikonjuru Yesu ma ila itop su kereene uunu, mi iswe mbulu ta ipet pini na.

³⁴ Tana Yesu iso pini. Iso: “O lunjri, urlanana ku ta iuulu u ma nim ambai. La raama lelem ambai. Pa patajana ku ta imap kat.” ☆

³⁵ Yesu izzo sua pa moori tina ma imbotmbot, mi wal ta timbot Yairus ruumu kini na, tikam lutuunu moori uruunu ma timar, mi tiso lae pa Yairus. Tiso: “Ou kolman, segeede sorok tomtom biibi tana ma ila ruumu ku pepe. Pa lutum moori ipas kek.”

³⁶ Tamen Yesu ileŋ sua ta tiso pa Yairus na, iso pini ta kembei: “Moto pepe. Kis urlaŋana ku. Pa nio aŋbotmbot.”

³⁷ To iso pizin iwal biibi be timbot, mi ikam Petrus ziru Yems mi tiziini Yoan men ma ziŋan tila.

³⁸ Tiwwa ma tila tipet ruumu ki Yairus. Mi Yesu ileŋ tiŋiizi biibi izalla, mi ire zin wal tizzu ma tizze,

³⁹ to ilela ruumu leleene mi iso pizin. Iso: “Parei ta katanŋan ma koyo orooro biibi ma kembei? Morri tana, ni imeete som. Inŋa sa ikeene na.”

⁴⁰ Zin tileŋ sua kini tana na, tiseeŋge pini. Tana iziiri zin ma tiyooto lup. To ikam morri tana tamaana ma naana, mi nanŋan kini tel tina, mi ziŋan tilela ruumu leleene ta morri ikenne pa na.

⁴¹ To Yesu iteege su pa namaana mi iso: “Talita kum!” (Sua ti ka uunu ta kembei: ‘Morri, nio aŋso pu: maŋga!’) ✧

⁴² To ni burup ma imanŋa mi iwwa pataaŋa. Morri tina, ka ndaama laamuru mi ru. Zin wal ta tire mos tina na, tiŋa naman. Paso, tikam ŋgar pa ma tirao som. ✧

⁴³ Mi Yesu inŋalsek pizin be tiso uruunu pa tomtom sa pepe. Tona iso pa tamaana ma naana be tikam lutun moori ka kini ma ikan.

✧ 5:41: Lu 7:14 ✧ 5:42: Yo 5:21, 11:43; Ro 4:17

6

*Zin Nasaret kan tiurla ki Yesu som mi tirepiili i
(Mt 13:53-58; Lu 4:16-30)*

¹ Yesu izem lele tana, mi imiili ma ila pa itunu kar kini. Mi nanḡaḡ kini tito i ma ziḡan tila.

² Indeeḡe aigule potomḡana tabe keten su pa i na, Yesu ilela lupḡana muriini mi ikamam sua ki Anutu pizin tomtom. Mi wal boozomen ta tilenḡ sua kini na, timurur pa ḡgar kini ma tiso: “Wai, to tiḡi ikam mbulu boozomen tiḡi be parei? Asiḡ ipaute i, ta le ḡgar biibi ta kembei? Mi parei ta ni irao ikam mos bibip ta kembei? ✧

³ Ni kar toro sa bekena takankaana pini? To ti, ni tomtom ki iwwo ruumu tau. Naana Maria, mi tiziini bizin Yems, Yose, Yudas, mi Simion, ziḡan lunuri bizin, ta niamḡan ambotmbot i.” Tana tirepiili i mi tiurla kini som. ✧

⁴ Tabe Yesu iso pizin ma iso: “Anutu kwoono sa, sombe ikam uraata su itunu kar kini, nako wal kini mi toḡmatiziḡ kini matan pasomi. Mi sombe ila lele toro, nako len ḡger pini mi tiwit uruunu.” ✧

⁵ Tana Yesu irao be itooro mos biibi sa isu tana na som. Tamen namaana isalakaala zin metenḡan tataḡa ma nin ambai.

⁶ Mi ikam ḡgar boozo pa zin wal kini. Parei ta tiurla kini som?

Yesu iḡḡo nanḡaḡ kini laamuru mi ru ma tila pa uraata

(Mt 10:5-15; Lu 9:1-6)

Tona Yesu imanḡa ma izem kar kini, mi iwwa pa kar ta boozomen mi ikamam Anutu sua kini pizin tomtom.

⁷ Mi ilup nanḡaḡ kini laamuru mi ru, mi iur zin se ruḡa pa uraata, be tila ma tiziiri bubuḡana sananḡan.

⁸⁻⁹ Mi iur sua pizin be tila na, tipa raama mburu boozo pepe. Irao tikam kini pepe, pelpeele pepe, pat pepe, mi mburu keeneḡana pepe. Tiur kumbun keteene mi titeege len tete men be tipa pa. Ina irao.

¹⁰ Mi iso pizin ta kembei. Iso: “Niom sombe kala pa kar sa, mi tikam yom ma tiur yom pa ruumu tasa, na kombotmbot ruumu tina men ma irao kezem kar tana.

¹¹ Mi sombe kar sa tileḡ yom som, mi titit yom, na kitirke ululu kizin pa kumbuyom ma isu lene, mi kezem zin ma kala leyom. Naso iwe kilalan pizin pa sanaana kizin.” ✧

¹² Tana nanḡaḡ kini tila mi tizzoyaryaara sua pizin tomtom boozomen be tizem sanaana kizin mi titooro lelen.

¹³ Mi tizirziiri bubuḡana sananḡan boozomen pizin tomtom, mi tizulzuulu ḡgere ise zin metenḡan kulin, mi tiurpewe zin ma nin ambai. ✧

*Yoan ta yok kamḡana ka tomtom na imeete
(Mt 14:1-12; Lu 9:7-9)*

¹⁴ Yesu uruunu ila ma irao lele ta boozomen kek. Tabe king Erot, ni ileḡ uruunu tomini. Pa tomtom pakan tiso ta kembei: “Inḡa ko Yoan som? Tomtom ta muḡḡu ikamam yok pizin iwal, mi imeete ma ila, ta inḡa burup ma imanḡa mini a. Tanata le mburaana biibi kat.” ✧

15 Mi pakan tiso: “Soom. Inga Anutu kwoono Ilia ta imiili ma imar mini a.” Mi pakan tiso: “E-e. Inga ko Anutu kwoono toro sa, raraate kembei ta Anutu kwoono bizin ta munḡu tikamam uraata na.” ☆

16 Mi Erot ileḡ Yesu uruunu na, iso: “Inga ko Yoan tau. Tomtom ta anḡuni ma imeete, ta imanḡa mini ma imbotmbot a.”

17-20 Ni iso ta kembei paso, ikam ḡgar pa mbulu ta munḡu ikam pa Yoan na. Mbulu ta kembei: Munḡu Erot iwoolo kana toono Pilip kusiini, zaana Erodias. Tana Yoan ila ki Erot, mi iyaambi ma iso pini ta kembei. Iso: “Mbulu ta kam pa tom Pilip kusiini, ina nu molo pa tutu.” ☆

Sua tana ikam ma Erodias keteene malmal pa Yoan. Tana iru zaala be ipuni ma imeete. Tamen itoombo ma som. Paso, Erot ire Yoan kembei ni tomtom ndeeḡḡana mi tomtom potomḡana ki Anutu. Tana imoto i, mi ipeteke waene be ipasaani pepe. Mi iso ma tikam Yoan ma tila tipo i, mi tiuri lela ruumu sanaana ma imbotmbot. Yoan imbotmbot lela ruumu sanaana leleene, mi ikamam sua pa Erot. Mi indeeḡe ta Erot ileḡḡ sua kini na, dadaru ikamami pa. Tamen ni leleene be ileḡḡ men.

21 Timbot ma kaimer to zaala ipet pa Erodias be ipun Yoan. Indeeḡe Erot mbeḡ kini na, ni ikam kini biibi, mi ilup zin wal ta timunḡmuunḡu pa uraata kini na, raama zin bibip kizin malmal kan mi zin peeze kan ki Galilea be zinḡan tikan kini mi menmeen zin.

☆ 6:15: Mt 16:14; Yo 4:19, 9:17 ☆ 6:17-20: Wkp 18:16

²² To Erodias lutuunu moori ilela ruumu leleene, mi irak su keren uunu ma ambai kat. Tabe ipas Erot zijaan zin wal tina keten. Tana Erot isu mi iso: “Wai, sokorei sa ta nu sombe wi yo pa, na nio ko ankam pu!”

²³ To ipombol sua kini ma imbol kat. Iso: “Nonoono kat, sokorei sa ta nu sombe wi yo pa, na nio ko ankam pu men tau. Sombe lelem be anpeete koronj tio ta boozomen, ramaki toono taiŋgi ta anborro na, ma pakaana iwe lem, nako ankam ta kembei!”

²⁴ Erot iso sua tana, to morri tina iyooto ma ila, mi iwi naana. Iso: “Parei, ko anji pa leŋ sokorei?” Naana ipekel kaljaana ma iso: “Wi pa Yoan ta yok kamjana ka tomtom na, uteene.”

²⁵ Tana ni iloondo ma ila ki Erot mini mi iso: “Nio leleŋ be yambut Yoan ta yok kamjana ka tomtom na ngureene ta buri, mi uteene isula timbiiri, mi kam pio.”

²⁶ King Erot ileŋ sua tina na, leleene ipata biibi kat. Tamen irao be itit kaljaana na som. Pa ipombol sua ma iso nonoono kat isu wal biibi tina keren uunu ma tileŋ kek.

²⁷⁻²⁸ Tana loŋa men mi ingo menderjana kini ta ma ila pa ruumu sanaana, be iyambut Yoan ngureene mi ikam uteene ma imar. Menderjana tana ila ma iyambut Yoan ngureene makinj, to ikam uteene mi iur sula timbiiri, mi ikam ma imar, mi iur la ki morri tina. To ni ikam ma ila ki naana.

²⁹ Indeeŋe nangaŋ ki Yoan tileŋ Yoan uruunu na, tila ma tikam putuunu, mi tila titwi i lela ranj sumbuunu.

Yesu iputu tomtom munjaana lamata (5,000)
(2Kin 4:42-44; Mt 14:13-21; Lu 9:10-17; Yo 6:1-14)

³⁰ Kaimer to Yesu ngonjana kini timiili ma zinan Yesu tilup mini, mi tisotaari pa uraata mi sua boozomen ta tikam pizin tomtom na. ✧

³¹ Mi iwal biibi timarmar ma tilala. Tabe Yesu zinan nanjan kini tirao be keten su ma tikan kan kini na som. Tana Yesu iso pizin ta kembei: “O nanjan tio, kamanja ma tala lele bilimjana sa bekena iti men tombotmbot mi ketende su ri.” ✧

³² Tana tila ma tise woongo ta, mi tisombe zin men tila len toono pakaana sa ta ka tomtom somjana.

³³ Tamen woongo ikowo ma ila, mi iwal tire la pizin mi tikilaala zin. To tiloondo pa peende ma tikonzaala zin mi timuungu ma tila tizza zin.

³⁴ Yesu zinan nanjan kini sor lela peende na, ire zin iwal biibi tana ma leleene isaana pizin. Pa ire zin kembei sipsip ta len mboronjan sa som mi timbot sorok. Tabe imanja mi ikam sua ki Anutu pizin mi ipaute zin pa koron boozo. ✧

³⁵ Timbotmbot ma lele be rorou, to nanjan kini tila kini mi tiso pini. Tiso: “Lak, ingi rou kek mi tombot lele ta ka kini somjana i.

³⁶ Tana so pizin wal be tila pa kar ta kolouloungan i ma tingiimi kan kini.”

³⁷ Yesu ipekel kwon ma iso: “Soom. Niom ituyom kakam kan kini ma tikan.” Mi zin tipekel kwoono ma tiso: “Wai, mi niam leyam pat denari

✧ **6:30:** Lu 10:9+, 10:17 ✧ **6:31:** Mk 3:20 ✧ **6:34:** Mt 9:36

200 sa be amgiimi iwal biibi ti kan kini? Wal ti sorok?” ☆

³⁸ Mi Yesu iso pizin ma iso: “Kala kere. Koyom narabu piizi ta imbotmbot?” Tana tila tire, to timiili ma timar, mi tisotaari ta kembei: “Ingi ye luluunu tamen, mi narabu lamata ti.”

³⁹ To Yesu iur sua pizin nanḡaḡ kini be tila mi tiso zin iwal biibi tana be mbulen isu mbutmbuutu mi timbot la utumbuunu.

⁴⁰ Tana zin mbulen su mi timbot la utumbuunu. Uunu pakan na, tomtom kembei tomtom lamata, mi uunu pakan na, tomtom kembei tomtoru laamuru.

⁴¹ Tona Yesu ikam narabu zaraaba lamata mi ye luluunu ta tana, mi mataana isala kor mi isun pa. To itete narabu mi izarra la kizin nanḡaḡ kini, mi tila ma tirai pizin tomtom. Mi ye ru tina tomini, ina ni iyapalpaala mi izarra la kizin, mi zin tila tirai pizin tomtom ta boozomen.

⁴² Mi tomtom boozomen tina tikan ma kopon isaana.

⁴³ Mi narabu mi ye surunsurun ta imbotmbot na, nanḡaḡ kini tiyogeege sula kiri laamuru mi ru ma bokbok.

⁴⁴ Wal ta tikan narabu tana na, tinin zin tomooto men ma tirao kembei munḡaana lamata (5,000).

Yesu ipa se tai

(Mt 14:22-33; Yo 6:15-21)

⁴⁵ To loḡa men mi Yesu iur sua pizin nanḡaḡ kini be tise wooḡo mi timuunḡu ma tila pa kar Betsaida ta imbot tai pakaana mbaaga na. Mi ni itunu imbot ma iur zin iwal biibi ma tila len lup.

☆ **6:37:** Yo 6:7

⁴⁶ Tona imiili na isala pa abal ta be imbot mi isun. ✨

⁴⁷ Mbenj na, woongo ila ma ipeete tai lukutuunu kek. Mi Yesu itutamen ta imbotmbot toono uunu.

⁴⁸ Ni ire la pizin nanjanj kini na, kembei tiseebe miiri mi mburan papiriizi pa puze. Ni imbotmbot ma lele imarmar, to imanja ma ipa se tai kuliini mi ikonjuru zin nanjanj kini ma ila. Ila ma isombe ikonzaala zin,

⁴⁹ to tire lae pini na tiso ko kon sa ta ipa se tai kuliini. Tana tinarakrak ma kaljan sanaana.

⁵⁰ Pa zin ta boozomen tire i, mi timoto kan ma tisaana. To Yesu lonja men mi iso pizin. Iso: “Hai! Komoto paso? Kakam ngar boozo pepe. Ingi nio tau.”

⁵¹ Tona ise kizin. Isala woongo na, miiri imap mi taun isu. Nanjanj kini tire mos tina na, timurur pa. Tikam ngar pa ma tirao som.

⁵² Paso, lelen imun kat. Mos ta ni ikam pa narabu, ina ipei ngar kizin risa som. ✨

Yesu iziiri mete pizin tomtom isu kar Genesaret (Mt 14:34-36)

⁵³ To Yesu zinan nanjanj kini tila ma sor lela kar Genesaret.

⁵⁴ Tilu zin su pa woongo na, iwal biibi tikilaala Yesu.

⁵⁵ Tabe tiloondo ma tila mi tiso uruunu ma irao lele tana. Tana tilej Yesu uruunu beso imbot swoi na, tisiņ zin metenjan mi tikonjuru i ma tila.

⁵⁶ Mi Yesu ipa ma ila pa kar bibip mi kar munmun mi su tomini. Mi indeenje ta sombe ni ipet kar sa, na zin wal tiyyo metenjan kizin ma tila

tiluplup zin su kar keteene, mi titaŋroro i be irao zin wal metenjan titeegi, som titeege mburu kini kwopiriini men. Mi wal boozomen ta titeegi na, mete kizin imap mi nin ambai. ✧

7

Tutu ki Anutu ilip pa tutu kizin kolman (Mt 15:1-9)

¹⁻⁴ Zin tutu kan ziŋan zin Yuda pakan tomini, zin timbolmbol pa tutu kizin kolman. Ngar kizin ta kembei: Sombe tikan kini, na bela tinguuru kat naman muŋgu, tona tikan. Mi sombe tila nol muriini ma timiili ma timar, na bela tikam yok ma titiyaara sala nwan be tinguuru wal buŋin ma ila lene, tona tikan kini. Tana zin len tutu boozo ta kembei. Tutu pakan iso pa kuuru ma mbooro nguuruŋana mi tutu pakan iso pa koronŋ pakan. ✧

Zin tutu kan pakan ziŋan zin ngarŋan ki tutu tizem Yerusalem mi timar ki Yesu, mi tire nanŋaŋ kini tito tutu ki naman nguuruŋana som, mi tikan kini. Tana tire ma ambai som. Pa nanŋaŋ kini naman inŋeeze som, mi titeege kini ma tikan. ✧

⁵ Tabe tisu to tiwi Yesu. Tiso: “Nanŋaŋ ku tina tinguuru naman som mi tikan sorok kini. Parei ta timololo tutu kizin kolman?”

⁶ Yesu ipekel kwon ma iso: “Niom tina pakamkaamŋoyom! Muŋgu Anutu kwoono Yesaya ibeede sua ta indeeŋe kat yom. Iso ta kembei: Wal taiŋgi, zin tipakurkur yo sorok pa kwon. Tamen lelen na, imbot molo kat pio.

✧ **6:56:** Mt 9:20, 14:36; Nŋo 19:12 ✧ **7:1-4:** Mt 23:25+; Yo 2:6

✧ **7:1-4:** Lu 11:38

⁷ Pa tipaute zin tomtom pa tutu kizin kolman, mi tiso ina tutu ki Anutu. Tana mbulu ta tikamam be timbesmbeeze pio na, iwe koronj sorok.”[☆]

⁸ Mi Yesu iso pizin mini ma iso: “Tutu ta Anutu iur na, niom kezem ma imborene. Mi tutu ta tumbuyom bizin tiur, ta inji kikiskis, mi kakam ma imbol piom.”

⁹ Mi iseenge sua kini ta kembei: “Nonoono kat, niom kipizil ndemeyom pa tutu ki Anutu, bekena motoyom ingal ituyom tutu tiom mi koto. Mbulu tana, niom karao pa kat.

¹⁰ Nio anso paso, Mose ibeede tutu pataanja kek ta kembei:

Lem nger pa tomom ma nom mi mbeeze pizin.

Mi tomtom ta sombe mata pasom tamaana ma naana, som ikam sua sananjana pizin na, kupuni ma imeete.[☆]

¹¹⁻¹² “Mi niom na, kakamam ta kembena som. Pa kozzo ta kembei: Sombe tomtom sa le koronj be iuulu tamaana ma naana pa, mi tamen ikam pizin som, mi iso pizin ma iso: ‘O, koronj ti, nio anrao anjam piom som. Pa inji anur ma iwe Anutu lene kek.’ Tomtom sa iso ikam ta kembei, na niom kepeteke i som, mi kopomboli be iuulu tamaana ma naana som.

¹³ Ta kembena ta niom kakamam Anutu sua kini ma iwe koronj sorok, mi kapakurkur zin kolman tiom tutu kizin ma ilip. Mi mbulu tiom boozomen raraate men.”

[☆] **7:7:** Yesa 29:13; Kol 2:20+; Tit 1:14 [☆] **7:10:** Kam 20:12, 21:17

Koroŋ ta ikam tomtom ma isaana pa Anutu mataana

(Mt 15:10-20)

¹⁴ Tona Yesu iboobo zin iwal ma tila kini mini, mi iso pizin ta kembei: “O niom ta boozomen, kuŋgun talŋoyom pa sua tio ti mi kakam ŋgar pa ka uunu.

¹⁵⁻¹⁶ Koroŋ ta sombe tomtom titeege mi tikan ma isula pa kopon, ina irao be ikam zin ma tisaana pa Anutu mataana na som. Mi koroŋ ta tomtom lelen iur pa ma iyooto ma ipet, ta ikam zin ma tisaana.”[☆]

¹⁷ Ni iso sua tana makin, to izem zin iwal tina ma timbot, mi ila pa ruumu. To zin nanŋaŋ kini tiwi i be ipeeze sua tina ka uunu pizin ma tileŋ.

¹⁸ Tabe ni iso pizin: “Wai, niom tomini kakankaana? Ŋgar tiom ikam sua ti risa som? Koroŋ boozomen ta teteege mi takanan ma isula pa kopondo, ina irao be ipasaana iti pa Anutu mataana na som.

¹⁹ Pa ina ikam kosa sa pa lelende som. Isula pa kopondo men, mi molo som, to isu lene.” (Yesu sua kini ti, ka uunu ta kembei: Koroŋ ta boozomen ambai pa kanŋana. Sa ipasaana iti pa Anutu mataana som.)

²⁰ Mi Yesu iso mini ma iso: “Mbulu ta imbot pa tomtom lelen mi iyooto ma ipet, ta ipasaana zin pa Anutu mataana.

²¹⁻²² Paso, ŋgar sananŋan boozomen ta imbot la tomtom lelen, ta ipiyotyooto mbulu sananŋan. Mbulu ta kembei: Tuur nol, takam kuumbu, tupun sorok tomtom ma imeete, tapasaana ula, matanda berber, takam zigzik, mbulu pakaamŋana, mbulu kizin me ma ŋge, matanda

[☆] **7:15-16:** Ŋgo 10:14+; Ro 14:14,20; 1Tim 4:4

mburmbur, tipiri sua sananņana, tapakur itundu mi terepiili waende bizin, takam mbulu sananņan bozboozo.

²³ Tana motoyom iņgal! Mbulu sananņan boozomen ta iyotyooto pa lelende i, ta ikam ti ma tasaana pa Anutu mataana.”

*Urlaņana biibi ki moori ta Yuda somņan i
(Mt 15:21-28)*

²⁴ To Yesu imaņga mini mi izem lele tina ma ila pa lele pakaana ta kar bibip ru, Tiro mi Sidon, timbot pa na. Ni ipa ma ila, to ike sala ruumu ta. Kokena tomtom tire i. Tamen ike na, irao som.

²⁵⁻²⁶ Pa moori ta, ni lutuunu moori, bubuņana sananņana izeebi ma igadgaada kat. Ileņ Yesu uruunu, to loņa men mi ila ipet kini. Mi moori tina, ni Yuda som. Ni Grik nan ta ki toono Ponisia ta imbot lele pakaana ki Siria na.

Ni ila ipet ki Yesu, to itop su kereene uunu mi itaņroro i be iziiri bubuņana sananņana tana pa lutuunu moori.

²⁷ Tamen Yesu ipekel kwoono ma iso: “Wai, kini kizin pikin, ko iti loņa mi tigiibi su ma me tikan? Som. Bela pikin tikan muņgu.” *

²⁸ Mi moori ipekel kwoono ma iso: “Merere, ina ņonoono. Tamen sombe pikin tikanan kini mi muunu itoptop su, inako iwe me kan.”

²⁹ To Yesu iso: “Ina nu pekel kat. Miili ma la ruumu ku. Pa bubuņana sananņana iko pa lutum moori kek.”

* **7:27:** Sua ki Yesu ka uunu ta kembei: Uraata kini ko ila pa zin Yuda men muņgu. Mana kaimer to ila pizin wal ta Yuda somņan i.

³⁰ Beso moori tana imiili ma ila ruumu na, ire lutuunu moori niini ambai mi ikenne sala mbalia kini. Bubunḡana sanannḡana iko pini kek.

Yesu iurpe tomtom ta, ni talḡaana imun mi kwo somḡana

³¹ Tona Yesu imanḡa mini ma izem lele pakaana ki Tiro, mi ila ipet kar Sidon. To ila ipet lele pakaana ki Dekapolis, mi iyembut ma ilae pa tai Galilea.✧

³² Ipet lele tana to, tikam tomtom ta ma tila kini. Tomtom tana, ni talḡaana imun mi kwoono iso kat sua som. Tana titanḡoro Yesu be iur namaana isalakaali mibe iurpe i.

³³ Tana Yesu ikami ma ziru tilae ri, to izeebe namaana ru ila tomtom tina talḡaana. To ikiziu se nama lutuunu mi ipakap se tomtom tina miaana.✧

³⁴ To mataana isala pa saamba, mi iyataaḡa ma biibi, mi iso pa tomtom tina ma iso: “Epata!” (Sua tina, ka uunu ta kembei: ‘Kaaga’.)

³⁵ To loḡa men mi tomtom tina talḡaana ikam pus mi kwoono ikam kak, mi iso kat sua.✧

³⁶ To Yesu inḡalsek pizin iwal be tiso uruunu pepe. Tamen iso na som. Pa tire kat kek. Tabe kaḡkaḡ ma tila mi tisoyaara uruunu.

³⁷ Mi wal boozomen ta tilenḡ na, timorsop biibi kat mi tiso: “Wae, tomtom ti, ni irao kat. Koronḡ boozomen ta ikamam na, ambai men. Pa zin talḡan munḡan tilenḡ sua, mi kwon munḡan tiso sua.”

✧ **7:31:** Mt 15:29+ ✧ **7:33:** Mk 8:23; Yo 9:6 ✧ **7:35:** Yesa 35:5+

8

Yesu iputu wal munjaana paŋ (4,000)
(Mt 15:32-39)

¹ Indeeŋe mazwaana tana na, iwal biibi tilup zin mar ki Yesu mini. Timbotmbot ma kini kizin imap, to Yesu iboobo nanŋaŋ kini ma timar, mi iso pizin ma iso:

² “Nio leleŋ isaana pizin wal taiŋgi. Pa itinŋan tombot pa aigule tel ma kini kizin imap kat.

³ Mi sombe anŋkam kan kini som, mi anŋur zin sorok ma tila len raama petel zin, inako mburan imap su zaala lwoono. Pa zin pakan, tipa pai molo ma timar.”

⁴ Nanŋaŋ kini tipekel kwoono ma tiso: “Wai, mi ko takam kini swoi mi tuputu zin wal ta kembei! Pa inŋi sa tombot lele bilimŋana na.”

⁵ To Yesu iwi zin. Iso: “Narabu tiom piizi ta imbotmbot na?”

⁶ Zin tiso: “Lamata mi ru.”

To ni iur sua pizin iwal ma mbulen isu. Mi ikam narabu lamata mi ru tina mi isun pa makin, to itete mi izarra la kizin nanŋaŋ kini, beken a tila ma tirairai pizin. Tana tito kaljaana, mi tikam ma tila tirai pizin.

⁷ Mi ye kizin munmun pakan timbotmbot to-mini. Ina tikam la kini mi ni isun pa, to iso pizin ma tila tirairai pizin iwal.

⁸ Iwal biibi tina tikan ma irao zin, to tiyogeege kini surunsurun ma tizeebe zin sula tiigi lamata mi ru ma bokbok.

⁹ Zin iwal ta tikan kini tina na, tinin zin ma tirao kembei munjaana paŋ (4,000). Tikan makin to,

Yesu iso pizin be timureege mi timilmiili ma tila pa kar kizin kizin.

¹⁰ Mi ni ziŋan nanŋaŋ kini loŋa men mi tise woŋgo, mi tila pa lele pakaana ta zaana Dalmanuŋa.

*Zin tutu kan tisombe tire mos sa
(Mt 16:1-4)*

¹¹ To zin tutu kan pakan timar ki Yesu mi ziŋan tiparzorzooro ma titoombi. Tisombe ni ikam mos sa tabe iswe kembei ni iwwa raama saamba mburaana, to tire mi tiurla kini. ✧

¹² Tana Yesu niini gesges pizin mi iyataaŋa ma biibi ma iso: “O yae, niom tomtom ta koozi kombotmbot na, uunu parei ta kamaŋmaŋ be kere mos? Nio aŋso kat piom ta kembei: Anutu ko ikam mos sa ma ipet be kere na som. Som kat.” ✧

¹³ Tona izem zin, mi ziŋan nanŋaŋ kini tise woŋgo mi tila mini pa tai pakaana mbaaga.

*Yis ki Erot ziŋan zin tutu kan
(Mt 16:5-12)*

¹⁴ Nanŋaŋ kini matan mbeleele ma tikam kan kini boozo som. Tikam narabu zaraaba tamen.

¹⁵ Timbotmbot se woŋgo, mi Yesu mataana ila pa mbulu ki Erot ziŋan zin tutu kan ta ire kembei ambai som. Tana imaata kwoono pizin nanŋaŋ kini ma iso: “Motoyom inŋal ituyom, mi kere yom pa yis ki Erot ziŋan zin tutu kan!” ✧

¹⁶ Mi nanŋaŋ kini tikam kat ŋgar pa sua kini som. Tabe tiparzzo pizin ma tiso: “Inŋi ko iso piti paso, matanda mbeleele mi takam kanda narabu som tau.”

✧ **8:11:** Mt 12:38; Lu 11:16; Yo 6:30 ✧ **8:12:** Lu 11:29 ✧ **8:15:** Lu 12:1; 1Kor 5:6+; 1Pe 2:1

17 Mi Yesu ikam la pa ngar kizin, tana iso pizin ma iso: “Wae, niom koyyo kwoyom pa koyom narabu paso? Kakam kat ngar zen? Kikilaala zen? Koronj sa ipei ngar tiom som? ☆

18-19 Niom motoyom, ma kere som? Mi talhoyom ma kelej som? Motoyom la pa mos ta ankamam na. Indeeje ta anjtete narabu lamata men pizin iwal munjaana lamata ma tikan ma irao zin na, ituyom koyogeege surunsurun isula kiri piizi?” Zin tipekel ma tiso: “Laamuru mi ru.” ☆

20 To iwi zin mini. Iso: “Mi parei? Indeeje ta anjtete narabu lamata mi ru pizin tomtom munjaana panj ma tikan na, niom koyogeege surunsurun isula tiigi piizi?” Zin tipekel ma tiso: “Lamata mi ru.”

21 Tona Yesu iso pizin ma iso: “Ta tina. Niom kikilaala zen?”

Yesu iurpe tomtom mata pisjana ta isu kar Betsaida

22 Yesu zinan nanganj kini tila ma tipet kar Betsaida, mi wal pakan tikam tomtom mata pisjana ta ma tila kini. Mi titanroro i be iteegi mi iurpe i.

23 Tana Yesu iteegi mata pisjana tina namaana, mi ikami ma ziru tizem kar mi tilae ziljaana. To ipures la tomtom tana mataana, mi namaana isalakaali, mi iwi i ma iso: “Parei, re lele, som som?”

24 To tomtom tina mataana se pini, mi iso: “E! Anje zin tomtom tiwwa. Tamen anje kat zin som. Anje zin na, kembei ta ke, mi tiwwa.”

25 Tana Yesu iur namaana ise mataana mini. Tona mataana ikam pak mi ire kat lele.

26 Mi Yesu iso pini ta kembei. Iso: “Manğa ma la pa ruumu ku. Mi lae kar pepe.” To izemi ma ila.

*Petrus iswe kat kembei Yesu ni Mesia
(Mt 16:13-20; Lu 9:18-21)*

27 Tona Yesu zinan nanğan kini timanğa mini, mi tila be tire kar munmun ta timbot kolouņana pa kar Sisarea Pilipai. Tiwwa pa zaala ma tila, mi Yesu isu to iwi zin. Iso: “Lak, nio ti, tomtom tikam nğar pio be parei?”

28 Zin tipekel kwoono ma tiso: “Wal pakan tisombe nu Yoan, ta munğu ikamam yok pizin tomtom na. Mi pakan tisombe nu Anutu kwoono Ila. Mi pakan tiso nu Anutu kwoono toro sa.”

29 To Yesu iwi zin mini ma iso: “Mi niom na, koso nio asin?” Petrus ipekel kwoono ma iso: “Nu Mesia tau, ulaanğa biibi tiam Israel.” ☆

30 Petrus iso, to Yesu kwoono imbol pizin be tiswe i la ki tomtom toro sa pepe.

*Yesu iso zin pa meetenana kini
(Mt 16:21-23; Lu 9:22)*

31 Tona Yesu imanğa be ipaute zin nanğan pa meetenana kini. Iso pizin ta kembei: “Tomtom Lutuunu bela ire pataņana boozo. Pa zin peeze kan, mi zin bibip kizin patoronņana kan, mi zin nğarņan ki tutu ko lelen pini som, mi tipuni ma imeete. Tamen mbeņ iwe tel pa, to Anutu ipei i ma burup ma imanğa mini.”

32 Yesu iturke sua tana pizin som. Ni iswe kat. Tabe Petrus ikami ma ziru tibelev lae, to imanğa mi iyaambi.

☆ 8:29: Yo 6:68+, 11:27

33 Tamen Yesu itoori ma mataana ila kizin nanganj kini, to isu mi iyaamba Petrus ma iso: “Sadan, ko molo pio. Ngar ku kembei Anutu ngar kini som. Ina nu kam ngar kembei zin tomtom men.”

Zaala tabe toto Yesu pa
(Mt 16:24-28; Lu 9:23-27)

34 Tona Yesu iboobo zin iwal biibi zinan nanganj kini ma tila kini, mi iso pizin ta kembei: “Tomtom sa isombe igaaba yo ma iwe leŋ, na bela ikoto itunu, mi ikwaara ke pambaaranjana kini, mi ito yo. ✧

35 Pa tomtom sa, sombe ikam ngar biibi pa itunu kuliini men, inako ikam mbotjana ŋonoona ta ki Anutu i som. Mi tomtom sa isombe izem kat itunu pio mi uruunu ambainjana, nako ikam mbotjana ŋonoona ta ki Anutu i. ✧

36 Mi parei? Sombe tomtom sa ikam koronj toono kana ta munjana men, mi tamen itunu kunuunu ila lene, ko ambai? Som.

37 Pa ni le zaala sa be ikam kunuunu tana ma imiili na som. ✧

38 “Koozi, tomtom boozo tipizil ndemen pa sua mbukjana ta tikam pa Anutu na, mi tikamam mbulu bozboozo. Tana kere yom. Pa tomtom ta sombe iwatkaala nio zonj mi sua tio ila tomtom matan, na indeeŋe ta Tomtom Lutuunu zinan zin anjela potomjan tisombe timiili ma timar raama Tamaana mburaana biibi, na ni ko iwatkaala tomtom tana zaana tomini.” ✧

✧ **8:34:** Mt 10:37+ ✧ **8:35:** Lu 17:33; Yo 12:25 ✧ **8:37:** Mbo 48:7+ ✧ **8:38:** Mt 10:33; Ro 1:16; 2Tim 2:12

9

¹ Mi Yesu iso mini ma iso: “Nio an̄so kat piom, niom pakan ta itin̄an tombotmbot i, ko kemeete zen, mi kere Anutu iswe peeze kini raama mburaana biibi.” ✧

*Yesu run̄guunu itooro ma iwe milmil̄jana
(Mt 17:1-13; Lu 9:28-36)*

² Yesu zin̄an nan̄gan̄ kini timbotmbot ma kan mben̄ lamata mi ta ilae, tona ikam Petrus, Yems, mi Yoan ma zin pañ men tisala pa abal uteene ta kor a.

³ Timbotmbot mi molo som na, zin tel tana tire Yesu run̄guunu itooro mi mburu kini ikokou kat ma imilmil. Tomtom toono kana sa irao be in̄guuru mburu ma ikokou kat kembeia som.

⁴ To nan̄gan̄ kini tel tina matan ila na, tire Ilia ziru Mose tiyet ma zin̄an Yesu tizzo sua.

⁵ To Petrus imanga na iso la pa Yesu. Iso: “Mos katuunu, in̄gi ambai kat. Pa itin̄an ta tombotmbot i. Mi parei, ko ampo beeze tel sa? Ta pu, ta pa Mose, mi ta pa Ilia?”

⁶ Sua tina, Petrus iso sorok. Pa zin̄an waene bizin timoto biibi kat.

⁷ Molo som mi miiri tieene isu ma izukkaala zin. To tileñ kal̄jaana ta imbot lela miiri tieene mi ipet ma iso ta kembei: “Lutun̄ tamen ñonoono ta nio leleñ pini ilip kat ta tina. Kelen̄ la kal̄jaana!” ✧

⁸ To lon̄a men mi matan ise na, tire Yesu itutamen. Tomtom toro sa som.

⁹ Tizem abal mi tiwwa ma tisula na, Yesu kwoono imbol pizin be tiswe mbulu ta tire na urunu pizin wal pakan karau pepe. Imbotmbot ma

✧ **9:1:** Mt 16:28; Lu 9:27 ✧ **9:7:** Kam 40:34+; Mt 3:17; N̄go 3:22; 2Pe 1:17+

sombe Tomtom Lutuunu imanga mini pa naala, tona tiswe ma ipet.

¹⁰ Tana nanɔaŋ kini tipo sua tana ise ndomon, mi zitun tiparwwi zin ma tiso: “Wai, sua ta ni iso pa manɔaŋana pa naala na, ina ka uunu parei?”

¹¹ To tiwi Yesu ma tiso: “Parei ta zin nɔaŋan ki tutu tisombe Ilia bela imiili ma imar muŋgu, tona Mesia?” ✧

¹²⁻¹³ Mi ni ipekel kwon ta kembei. Iso: “E, ina nɔnoono. Ilia bela imar muŋgu, mi ipazal koron ta boozomen. Mi nio anso piom. Sua tina iur nɔnoono ise ki Yoan kek. Motoyom inɔal mbulu ta tikam pini na. Tito zitun nɔar kizin mi tiseeze sorok mataana, kembei ta ka sua imbot ta muŋgu kek. Kenako parei pa sua ta muŋgu tibeede pa Tomtom Lutuunu? Sua ta kembei: ‘Zin ko tiseeze mataana, mi tirepiili i.’ ” ✧

*Yesu iziiri bubunana sanannana pa nanɔaŋ ta
(Mt 17:14-21; Lu 9:37-43a)*

¹⁴ Zin timiili ma timar mi tipet kizin nanɔaŋ pakan ki Yesu, to tire zin iwal biibi timar tiliu zin ma timbotmbot. Mi nɔaŋan pakan ki tutu timbotmbot raama zin, mi ziŋan tiparzorzooro pa sua.

¹⁵ Iwal biibi tire Yesu, to timurur mi loŋa tiloondo ma tila be tire i.

¹⁶ To Yesu iwi zin ma iso: “Niom kaparzorzooro pa so sua i?”

¹⁷ Tomtom ta imbotmbot la iwal biibi tina lelen, ni imanga mi ipekel kwoono ma iso: “Mos katu-

✧ **9:11:** Mal 4:5; Mt 11:14 ✧ **9:12-13:** Mbo 22:1+; Yesa 53:3; Lu 1:17

unu, nio lutuŋ ta bubuŋana sananŋana izeebi ma kwoono imun. Tana iŋgi aŋkama ma ama ku i.

¹⁸ Lutuŋ ti, re beso koronŋ tana imanŋa pini, to ipalkeeti isu toono ma zoŋoono ŋekŋek, ka top-toobo izzu, mi ikadat ma mburaana imap. Tana aŋwi zin nanŋaŋ ku be tiziiri bubuŋana tana ma ila ne. Tamen titoombo na tirao som.”

¹⁹ Yesu ipekel kalŋaana ma iso pizin: “Aiss, niom tina ko som kat! Leyom urlanŋana sa som. Itiŋan tembel mbotŋana kek. Tana aŋso ko ŋgar tiom ipet risa? Mi iŋgi som. Ambai. Kakam nanŋaŋ tina ma imar.”

²⁰ Tana tikami ma ila kini. Beso bubuŋana sananŋana tana ire Yesu na, imanŋa pa nanŋaŋ tina, mi ipalkeeti su toono ma ikadat ma ka top-toobo izzu.

²¹ To Yesu iwi tamaana ma iso: “Mete ti ikami ta muŋgu mi imar, som ta buri?” Tamaana ipekel kwoono ma iso: “Wai, indeeŋe ta ni nanŋaŋana mi imar.

²² Lwoono pakan, sombe imanŋa pini, to ipiri i sala you. Mi lwoono pakan na, ipundu i sula yok. Pa isombe ipasaana kati. Tana lelem isaana piam, mi sombe nu rao, na uulu yam.”

²³ Tabe Yesu iso: “Wai, nu wi yo kembena paso. Ina imbot la urlanŋana men tau. Tomtom ta sombe iurla, na ni ko itat pa kosa sa som.” ☆

²⁴ Tabe nanŋaŋ tina tamaana loŋa men mi itaŋroro Yesu ma iso: “Nio aŋurla. Mi tamen urlanŋana tio imbol som. Pombol yo!”

²⁵ Yesu mataana ila na, ire zin iwal biibi ta timekewe ma timarmar. Tana iŋasaara bubuŋana

☆ **9:23:** Mt 17:20; Mk 11:23; Yo 11:40

sananjaana ma iso: “Nu tana, ta kamam nanjaŋ ti ma kwoono mi taljaana imun na, nio anur sua pu be zemi ta buri. Mi kozo loondo pini mini pepe.”

²⁶ To koron tina iyak ma kaljaana sanaana, mi iyelkatkat nanjaŋ tina ma itop su toono, mana iyooto pini ma ila lene. Iyooto ma ila na, nanjaŋ tina mataana mburri mi imetekat su ma imbotmbot. Iwal tina tire i mi tiso: “Wei, a ra, imeete kek!”

²⁷ Tamen Yesu iteege namaana mi iwiti, to burup ma imanja imender.

²⁸ Uraata tana imap, tona Yesu ilela pa ruumu leleene. Mi ziŋan nanjaŋ kini men timbotmbot. To tiwi i ma tiso: “Parei ta niam ti amrao be amziiri koron tana som?”

²⁹ Yesu ipekel ma iso: “Zaala toro sa som. Bela [taŋgalsek itundu pa kini kanjana mi] tusuŋ, tona tarao tiziiri koron ta kembei.”

*Yesu iso mini pa meetenjana kini ma iwe ru pa
(Mt 17:22-23; Lu 9:43b-45)*

³⁰ Tona Yesu ziŋan nanjaŋ kini tizem lele tina, mi tikewe mi tiwwa pa lele pakaana ki Galilea. Mi ni leleene be tomtom tiute pai kizin som.

³¹ Pa ikamam sua pizin nanjaŋ kini ma izzo pizin ta kembei: “Tomtom Lutuunu, ni ko tikami ma tiuri la tomtom pakan naman, mi zin ko tipuni ma imeete ma kup. Tamen ko ka mbeŋ iwe tel pa, tona burup ma imanja mini.”

³² Tamen zin nanjaŋ tikam ngar pa sua kini ka uunu som. Mi lelen be tiwi i som. Pa timoto.

*Asiŋ ta ni zaana biibi ma ilip?
(Mt 18:1-5; Lu 9:46-48)*

³³ Tiwwa ma timar tipet Kapenaum, mi tilela ruumu leleene, to Yesu iwi zin nanḡaḡ kini. Iso: “Lak, iti tawwa ma tamar pa zaala na, niom kaparzorzooro pa so sua i?”

³⁴ Mi zin tipekel kalḡaana som. Timaane men. Pa tiparzorzooro pa kizin asiḡ ta ko zaana biibi ma ilip.

³⁵ To Yesu mbuleene isu mi iso pizin. Iso: “O, kamar tis mi kelenḡ. Tomtom ta sombe leleene be iwe mataana, na irao ipumuunḡu itunu som. Bela ikoto itunu mi imbeeze pizin tomtom ta boozomen.” ☆

³⁶ Tona ikwaara nanḡaḡ musaana ta ma tila, mi ipamenderi la lukutuunu mi iso pizin nanḡaḡ kini ta kembei: “Tomtom sa sombe ikam nanḡaḡ munmun ta kembei, mi imbeeze pini pa nio zoḡ, na ni imbeeze pio tau.

³⁷ Mi tomtom ta sombe imbeeze pio, ina ni imbeeze pio men som. Ni imbeeze pa Tamaḡ Anutu ta inḡo yo ma aḡmar i tomini.” ☆

Lelende ambai pizin wal ta timbot lupḡana toro tomimi

(Lu 9:49-50)

³⁸ Yoan isu to iso pa Yesu ma iso: “Mos katuunu, niam amre tomtom ta, ni izirziiri bubuḡana sananḡan pa nu zom. Mi ni igabgaaba iti som. Tana ampeteke i.”

³⁹ Tamen Yesu iso pizin: “E-e, kepeteke i pepe. Pa tomtom ta sombe ipaata nio zoḡ ma itooro mos biibi sa, inako ni irao be loḡa mi iyyo kwoono pio na som.” ☆

☆ **9:35:** Mt 20:26+, 23:11; Mk 10:43+ ☆ **9:37:** Mt 10:40; Yo 13:20

☆ **9:39:** 1Kor 12:3

⁴⁰ Mi tomtom ta sombe iwe kanda koi som, na ni gaabaɗanda. ☆

⁴¹ Nio aɗso kat piom ta kembei: Kozobe tomtom sa ikam koyom yok risa ma kiwin pa uunu tau kewe Mesia lene kek, ina tomtom tina kola ikam le kadoono. ☆

Watɗana ka sua

(Mt 18:6-9; Lu 17:1-2)

⁴² “Naɗgaɗ popoɗana tasa ta iurla tio na, sombe tomtom sa iwati ma itop pa urlaɗana kini, na tomtom tana, tembeli kek. Sombe tikam pat biibi ma timbit la ɗgureene, mi tila tipundu i sula mozo lukutuunu ma ila ne, to ambai.

⁴³⁻⁴⁴ “Nomom tasa isombe iyaryaaru u ma kam mam mbulu sananɗana, na ambai be yembut ma ila ne. Kokena imbot, to ikam ma tigiibu sula lem kar sanaana ta ka you imapmap som. Tana toɗgo. Nomom tamen ina irao. Pa kaimer ko kam mbotɗana mata yaryaaraɗana. ☆

⁴⁵⁻⁴⁶ Mi kumbum ta kembena. Sombe tasa ipawa u be kamam mbulu sananɗana, na ina tomini, yembut ma ila ne. Kokena imbot, to ikam ma tigiibu sula lem kar sanaana. Tana toɗgo. Kumbum tamen, ina irao. Pa kaimer ko kam mbotɗana mata yaryaaraɗana.

⁴⁷ Mi motom tomini. Tasa isombe iyaryaaru u pa mbulu sananɗana, na pai ma isu lene. Toɗgo. Motom tamen, ina irao. Pa kaimer ko lela kar ki Anutu. Kokena motom toro tana imbot, to ikam ma tigiibu sula lem kar sanaana. ☆

☆ **9:40:** Mt 12:30; Lu 11:23; 1Kor 3:1-9 ☆ **9:41:** Mt 10:42

☆ **9:43-44:** Mt 5:30 ☆ **9:47:** Mt 5:29

48 “Pa kar tana, ka motmooto sananɲan ta timet-meete som. Mi ka you ta kembena, ko imbotmbot ma alok. ✧

49 “Patoronɲana ta izalla you na, titiyaryaara tai * isala bekena iurpe ma inɲeeze. Mi tomtom ta kembena. You kola ipet pizin tomtom ta boozomen. ✧

50 “Tai na, koronɲ ambainɲana. Tamen sombe mburaana imap, na irao tuurpe mini na som. Tai ta imbot sula leleyom na, kikiskis, mi leleyom par piom mi kaparlup yom ma kombotmbot.” ✧

10

Sua pa ula yembutɲana (Mt 19:1-12; Lu 16:18)

1 Yesu imanɲa mini ma izem lele tina. Mi ila pa pakaana ki Yudea, to indu yok Yordan ma ilae mbaaga. Mi iwal biibi ta timokor la kini mini, tana ni ito mbulu kini mi ikamam sua pizin.

2 Mi zin tutu kan pakan tila kini be titoombi. Tana tiwi i ma tiso: “Lak, tutu kiti iso parei? Irao zin tomooto tiyembut ula kizin mi tiziiri kusin bizin ma tila len, som som?”

3 Yesu ipekel kwon ma iso: “Tutu ta Mose ikam piom na, iso parei?”

4 Zin tiso: “Mose iso ta kembei: Sombe tomooto sa ibeede ula yembutɲana ka sua ise ro pakaana sa, na ni irao be iyembut ula kini.” ✧

✧ **9:48:** Yesa 66:24 * **9:49:** You iwe kin pa: 1) kadoono urɲana ki mberɲ kaimer, 2) Bubunɲana Potomɲana, mi 3) toomboɲana. Mi Wok Pris 2:13 iso ta kembei: Tai iwe kin pa sua mbukɲana ki Anutu.
✧ **9:49:** Ezek 43:24 ✧ **9:50:** Mt 5:13; Lu 14:34+; Ro 12:18
✧ **10:4:** Lo 24:1+; Mt 5:31

⁵ To Yesu iso pizin ma iso: “Ina ηonoono. Mi uunu tau Mose ibeede tutu tana piom, ina imbot la sanaana ta imbol la leleyom tau.

⁶ Mi indeeηe mata popoten ta Anutu iur saamba mi toono na, ni iur tomooto mi moori. ☆

⁷ Uunu tina ta tomooto izem tamaana ma naana, mi ziru moori tiparlup zin ma tiwe tamen. ☆

⁸ Tana ziru irao timbot ndelndelηa mini som. Paso, tiparlup zin ma tiwe tamen kek.

⁹ Mi koronη ta Anutu ilup ma iwe tamen na, tomtom sa irao be iyembut na som.”

¹⁰ Timiili ma tila ruumu, tona nanηaη kini tiwi Yesu mini pa sua tina.

¹¹ Mi ni ipekel kwon ma iso: “Tomooto sa isombe iziiri kusiini ma ila lene, mi iwoolo moori toro, ina ni ipasaana mboti ki kusiini mi imolo ula ka tutu.

¹² Mi moori ta kembena. Sombe izem kusiini ma imborene, mi iwoolo kana tomooto toro, ina ni ipasaana ula ka tutu.” ☆

*Yesu ipombol zin nanηaη munmun
(Mt 19:13-15; Lu 18:15-17)*

¹³ Tomtom pakan tikam lutun bizin ma tila ki Yesu bekena iteege zin. Tamen nanηaη kini timaηga mi tiηasaara zin.

¹⁴ Yesu ire mbulu tana, to keteene malmal pizin mi iso: “Ai, kapakaala zin paso? Pa peeze ki Anutu ka tomtom bizin, ina ta kembei. Tana kezem zin ma timar. ☆

☆ **10:6:** Un 1:27, 5:2 ☆ **10:7:** Un 2:24; Ep 5:31 ☆ **10:12:** Mt 5:32; 1Kor 7:10+ ☆ **10:14:** 1Kor 14:20; 1Pe 2:2

15 Nio anso kat piom: Bela kotooro ngar tiom ma kewe kembei ta zin pikin, tona karao be kombot la peeze ki Anutu mi kelela kar kini.” ☆

16 Tona ikam zin munmun ma imbarara zin, mi namaana sala zin tataja uten mi ipombol zin.

*Mbio uunu ta imar ki Yesu
(Mt 19:16-30; Lu 18:18-30)*

17 Yesu imanga mini pa pai kini. Som, mi tomtom ta, ni ikonjuru i ma ila ma ingun kumbuunu su kereene uunu, mi iwi i. Iso: “Mos katuunu, nu ambainom. Ko ankam parei, to ankam mbotjana mata yaryaaranana?”

18 Yesu ipekel kwoono ma iso: “Parei ta nu sombe nio ambainon? Anutu itutamen ta ni ambainana. Tomtom toro sa som.

19 Nu ute tutu kek. ‘Pun tomtom ma imeete pepe, pasaana ula pepe, kem pepe, pombol sua pakaamjana pepe, watke lem koron pepe, lem nger pa tomom ma nom mi mbeeze pizin.’” ☆

20 To tomtom tina ipekel kwoono ma iso: “Wai mos katuunu, tutu sonana? Tutu ta boozomen tana, ta nanjanjon mi anto anto ma imar indeene koozi.”

21 Yesu ire i na, leleene pini. Tana iso pini ta kembei: “Ambai. Mi koron tamen ta kam zen. La mi kam ngomo pa koron ku ta boozomen. Mi rai ka pat pizin wal ta sorrokjan i. Naso kam lem koron nonoono ta izza u su kar saamba. Mi mar to yo.” ☆

22 Tomtom tina ilej sua tana na, irao pa leleene som. To izem Yesu, mi ila raama leleene ipata. Pa ni le koron boozo kat.

☆ **10:15:** Mt 18:3 ☆ **10:19:** Kam 20:12+; Lo 5:16+; Ro 13:9

☆ **10:21:** Mt 6:19+; Njo 2:45, 4:32+; 1Tim 6:17+

²³ Tona Yesu mataana ila lae pa zin nanḡaḡ kini, mi iso pizin ta kembei. Iso: “Zin wal ta mbio uunu na, inako ipata pizin be tiwe Anutu lene mi timbotmbot lela peeze kini leleene.” ✧

²⁴ Nanḡaḡ kini tileḡ sua tina na, tikam ḡgar boozo pa. Tamen Yesu iso pizin mini ma iso: “O tiziḡan, ina ipata pizin tomtom be tiwe Anutu lene mi timbot lela peeze kini leleene.

²⁵ Kere. Mbili sa isombe itoombo be iloondo pa sor sumbuunu, ko irao? Som. Mi zin mbio uunu na, ka ḡgar tamen tau. Sombe zitun titoombo be tiwe Anutu lene mi timbot lela peeze kini leleene, nako ipata kat pizin. Tirao som kat.”

²⁶ Nanḡaḡ kini tileḡ sua ti na, timurur mi tikam ḡgar biibi pa. Tana tiso pini ma tiso: “Wai, kenako asiḡ ta Anutu ikamke i ma imbot ambai?”

²⁷ To Yesu mataana ila kizin mi iso: “Tomtom zitun sombe titoombo, nako tirao som. Mi sombe Anutu iuulu zin, nako tirao. Pa Anutu, ni itat pa kosa sa som.”

²⁸ To Petrus imanḡa mi iso pini ma iso: “Lak re. Niam ti, amzem koronḡ tiam ta boozomen ma imborene lup, mi inḡi amtoto u i. Ko parei piam?”

²⁹ Yesu ipekel kwoono ma iso: “Nio anḡo kat piom. Tomtom sa isombe izem ruumu kini, som tonmatiziḡ kini, som tamaana ma naana, som lutuunu bizin, som mokleene kini pa nio zonḡ mi uruunu ambaiḡana,

³⁰ inako ikam kampenḡana ta ilip ma ilip kat pa koronḡ ta izem na. Pa indeeḡe ta tomtom tana imbot toono na, ni ko ikam le ruumu, ma tonmatiziḡ,

✧ **10:23:** Mk 4:19; 1Tim 6:9+; Yems 5:1+

ma pikin, ma naana ma tamaana bizin, ma mokleene boozomen. Tamen ko tiseeze mataana pa nio zoŋ tomini. Mi indeeŋe mbeŋ kaimer, nako ikam mbotŋana mata yaryaaraŋana.

³¹ “Tamen wal boozomen ta muŋgu tiwe mataana, inako tila tikemer. Mi zin tau kaimer kan, nako tiwe mataana.” ☆

*Yesu iso mini pa meeteŋana kini ma iwe tel pa
(Mt 20:17-19; Lu 18:31-34)*

³² Yesu imuŋgu, mi naŋgaŋ kini tito i ma ziŋan tisombe tisala pa Yerusalem. Tiwwa ma tila, mi naŋgaŋ kini tikamam ŋgar boozo. Mi zin wal ta ziŋan tila na, timoto kan. Tana Yesu ikam naŋgaŋ kini laamuru mi ru ma timet lae, mi isotaara zin pa mbulu tabe ipet pini i.

³³ Iso: “Keleŋ. Ingi be tasala pa Yerusalem i. Mi Tomtom Lutuunu, ni ko tikami ma tiuri la zin bibip kizin patoronŋana kan ziŋan zin ŋgarŋan ki tutu naman. Mi zin ko tiur sua be imeete, mi tiuri la kizin wal ta Yuda somŋan i naman.

³⁴ Mi zin ko tipeŋeu i, tipureskaali, tibalisi, mi tipuni ma imeete. Tamen ko ka mbeŋ iwe tel pa, tona burup ma imanga mini pa naala.”

*Wiŋana ki Yems ma Yoan
(Mt 20:20-28)*

³⁵ Tona Zebedi lutuunu bizin ru, Yems ziru Yoan, tila ki Yesu mi tiso pini ta kembei. Tiso: “Mos katuunu, niam amsó amwi u pa koron ta be nu kam piam.”

³⁶ Tana Yesu iwi zin ma iso: “Sokorei ta leleyom pa be aŋkam piom?”

☆ **10:31:** Mt 20:16; Lu 13:30

³⁷ Zin tiso: “Kaimer ma nu sombe swe mburom mi zom biibi ma ipet mat, na niam leleyam be kam niamru ma ambot su ziljom uunu. Ta imbot la nomom woono mi toro imbot la ŋas.”

³⁸ To Yesu iso pizin ta kembei: “Koroŋ ta niomru kiwi yo pa na, ina kuute ka pataŋana som. Kere. Mbooro tabe nio aŋwin la i, niomru karao be kiwin la tomini? Mi pataŋana biibi tabe isalakaala yo i, niomru karao be kakam?” ✧

³⁹ Ziru tipekel kwoono ma tiso: “E, niamru am-rao.” To Yesu iseŋge sua mini ma iso pizin ta kembei: “Nonoono, mbooro tabe nio aŋwin la i, ina niom kola kiwin la. Mi pataŋana tabe isalakaala yo i, inako isalakaala yom tomini. ✧

⁴⁰ Mi muriyom ta niomru koso pa na, ina uraata tio som. Ina koroŋ ki Tamaŋ Anutu. Mi zin wal tabe timbot ziljoŋ uunu i, ina ni iur zin pataŋa kek. Zin ta ko timbot pa.”

⁴¹ Nanŋaŋ pakan tileŋ Yems ziru Yoan sua kizin, to keten malmal pizin.

⁴² Tabe Yesu iso pizin ma timar, mi iso pizin. Iso: “Mbulu ki toono na, niom kuute kek. Zin bibip kizin karkari ta Yuda somŋan i, tipakurkur zitun mi matan pasom zin wal ta timbot la kopon mbarmaana na. Mi zin wal ta zanŋan i, na tikototo zin tomtom. ✧

⁴³ Tamen niom na, kakam mbulu ta kembena pepe. Tiom tasa isombe leleene be iwe biibi piom, na bela ikoto itunu ma iwe mbesooŋo piom. ✧

⁴⁴ Mi tiom tasa isombe leleene be iwe mataana piom, na bela iwe mbesooŋo sorokŋana kat pizin

✧ **10:38:** Mk 14:36; Lu 12:50 ✧ **10:39:** Nŋo 12:2; Pil 3:10; 2Tim 2:11+; Tur 1:9 ✧ **10:42:** Lu 22:25+ ✧ **10:43:** Mt 23:11; Mk 9:35; Lu 9:48

wal ta boozomen. ✧

⁴⁵ Pa ina mbulu ki Tomtom Lutuunu tomini. Kere. Ni imar be tomtom timbeeze pini na som. Imar be itunu imbeeze pizin tomtom, mibe izem kat itunu ma imeete pizin tomtom boozomen beken a inġiimi zin ma tiwe lene.” ✧

*Yesu iurpe Patimai mataana
(Mt 20:29-34; Lu 18:35-43)*

⁴⁶⁻⁴⁷ Yesu zija n nanna kina tilla tipet kar Yeriko. To zija iwal biibi tizem kar ma tilae ri, mi tomtom mata pishana ta imbotmbot, zaana Patimai. Ni Timai lutuunu. Imbutultul su zaala zilhana be izunzun le koron. Mi ilej kembei tomtom ta imar i na Yesu ki Nasaret, to imanga mi kalhana biibi ma iso: “O Dabit Lutuunu, mujai yo lak!”

⁴⁸ Wal pakan tijasaari mi tiso pini be imaane. Tamen som. Kalhana biibi kat ma iso: “O Dabit Lutuunu, mujai yo lak!”

⁴⁹ Tana Yesu imender mi iso: “Koso i ma imar.” Tana tiboobo mata pishana tina ma tiso: “A, lelem ambai mi manga. Pa iso mar pu be la ma re i.”

⁵⁰ Tana tomtom tina ilu i ma imanga. To ipiri mburu kina kor kana itop isu lene, mi ila ki Yesu.

⁵¹ Ila to Yesu iwi i. Iso: “Nu lelem be ankam parei pu?” Mata pishana iso: “A mos katuunu, nio lelen be anre lele.”

⁵² Tabe Yesu iso pini ma iso: “La lak! Urlhana ku ta iuulu u ma motom ambai.” To lonja men mi mataana ikam pak mi ire lele. Tana ito Yesu mi zija tilla pa zaala. ✧

11

Yesu isala pa Yerusalem

(Mt 21:1-11; Lu 19:28-40; Yo 12:12-19)

¹ Yesu ziŋan naŋaŋ kini tipa ma timar kolouŋana pa Yerusalem, mi tila tipet kar Betpage mi Betania, ta timbot sala abal Olib lwoono na.

² To Yesu inŋo naŋaŋ kini ru be timuunŋu ma tisala. Iso pizin ta kembei: “Kasala pa kar ta imbot mar kembei. Beso kala kepet, nako kere doŋki popoŋana ta, ta timbiti lae ma imbotmbot. Ina tomtom sa isala ndemeene mi ipa pa zen. Kuputke i, mi kakami ma kusu.

³ Mi sombe tomtom sa iwi yom ma iso: ‘Ina kakami sorok paso?’ Tona koso pini ta kembei: ‘Merere, ni le uraata ri pini. Mako ipimiili i ma loŋa men mi imar mini.’”

⁴ Beso ziru tila na, tire doŋki popoŋana ta. Ina timbiti lae ruumu ta imbot kolouŋana pa zaala na. Mi tila tiputke i to,

⁵ wal pakan ta timendernder kolouŋana na, tiwi zin: “Ai, ina kuputke i sorok paso?”

⁶ Ziru tipekel kwon ma tiso sua kembei ta Yesu iso pizin na. Tona wal tana tiyok pizin, mi ziru tikami ma tila.

⁷ Tikami ma tisula ki Yesu, to tikiŋke mburu kizin mat kana, mi tipeele sala doŋki ndemeene. To Yesu isala mi mbuleene ise.

⁸ Mi wal boozo tiwar mburu kizin su zaala be tipakuri. Mi pakan na, tila tiyembut komkom, mi tikam ma timar mi tisan su zaala tomini.

⁹ To wal pakan timuunŋu pini mi pakan tikemer, mi kalŋan izalla ma tiso:

“Hosana! Merere ko ipombol tomtom ti mi ikampe i.

Pa ni ikam Merere runguunu ta imar i!✧

¹⁰ Tomtom ta buri imar i ko ikam peeze kembei munḡu tumbundu Dabit ikamam na. Tana Anutu ko ipomboli mi ikampe i.

Hosana! Tapakur Merere zaana ma isala ta kor a!

¹¹ Yesu isala Yerusalem ma ilela siiri ki Urum Merere leleene na, mataana rikrik be itiiri koronḡ ta boozomen. Tamen lele igarau be mbeḡ. Tana ziḡan nanḡanḡ kini laamuru mi ru tizem urum, mi timiili mini ma tila pa kar Betania.

Yesu ipiri sua pa ke fik
(Mt 21:18-19)

¹² Tikeene ma berek su, to Yesu ziḡan nanḡanḡ kini timanḡa ma tizem kar Betania, be tisala mini pa Yerusalem. Tiwwa pa zaala lwoono ma tila, mi Yesu peteli.

¹³ Tabe mataana ila na, ire la pa ke fik ta imendernder. Mi mazwaana tana mai ki ke fik ḡonoono som. Tamen tataḡa ta ḡonon. Mi ire kembei ke tana iurpe i be ḡonoono, tana ikonḡuru ma ila be ikam ka ḡonoono. Tamen ila na, ire ḡonoono sa som. Ruunu men.

¹⁴ Tana Yesu iso pa ke tana ma iso: “Indeeḡe ta tiḡi mi ila na, nu ko piyooto mini ḡonoono sa be tomtom tikan na som.”✧

Yesu iso sua tana na, nanḡanḡ kini tilenḡ.

Yesu iziiri zin wal pa Urum Merere
(Mt 21:12-17; Lu 19:45-48; Yo 2:13-22)

¹⁵ Zin tiwwa ma tila tipet kar Yerusalem, to Yesu iwwa ma ilela siiri ki Urum Merere leleene. Mi imangayaara zin wal ta tikamam ngomo pa koron kizin isu urum kwoono na. Ni imanga pa mbalia ta zin wal tiparpekelkel pat zalla na, ramaki mbalia kizin wal ta mbulen izze mi tikamam ngomo pa man mbalmbal na.

¹⁶ Mi zin wal ta tikwarra mburu, mi tiyembutm-but pa siiri ki Urum Merere leleene na, ni ipeteke zin be tikam mini pepe.

¹⁷ Tona ikam sua pizin tomtom ma iso: “Niom kuute som? Sua ki Anutu iso pataña kek ta kembei:

Urum tio, ko tipaata ma tiso ina sunñana muriini kizin karkari ta boozomen.✧

“Tamen niom kakam ma iwe kembei: ran sumbuunu ta zin kuumbu kan tikewe lela i!”✧

¹⁸ Zin bibip kizin patoronñana kan mi zin ngarñan ki tutu tilen sua tina, to tisombe tiru zaala sa be tipuni ma imeete. Pa sua kini ikam ma iwal biibi lelen imap ma ila kini. Tabe zin bibip timoto i.

¹⁹ Rorou na, Yesu ziñan nanğan kini tizem kar Yerusalem mi tila.

Urlañana na, mburaana biibi

(Mt 21:20-22)

²⁰ Tikeene ma berek, to Yesu ziñan nanğan kini tiwwa ma tisula pa zaala. Mi tire la pa ke fik ta Yesu ipiri sua pa na, imeete sula ta uunu mi isala.

²¹ Tana Petrus mataana ila pa sua ki Yesu, mi iso pini ta kembei: “Mos katuunu re! Ke ta neeri piri sua pa na, ta imeete kek!”

22-23 Tona Yesu iso pizin ma iso: “Kuurla kat ki Anutu. Pa nio anso kat piom ta kembei: Tomtom sa isombe iso pa abal ti be izem muriini mi ila itop sula tai, mi sombe leleene iwe ru som, mi iurla kembei sua kini ko iur nonoono, inako Anutu ikam mbulu tana ma ipet pini.✠

24 Tana nio anso piom. Niom sombe kusun Anutu ma kiwi i pa koron sa, mi sombe kuurla kembei ni ileŋ sunŋana tiom kek, inako kere ka nonoono.✠

[
25 “Mi niom sombe kusun, mi ngar tiom ilala pa sosor sa ta waeyom bizin tikam piom, na kuurpe leleyom pizin mi kezem ngar pa sanaana kizin. Naso Tomoyom ta imbot saamba a ireege sanaana tiom tomini.✠

26 Mi sombe kuurpe leleyom pa waeyom bizin som, mi kezem ngar pa sanaana kizin som, inako sanaana tiom tomini, Anutu ireege som.”]

*Zin bibip tiwi Yesu pa asin ta iuri pa uraata kini
(Mt 21:23-27; Lu 20:1-8)*

27 Zin tisala ma tipet Yerusalem mini, mi Yesu iwwa lela siiri ki Urum Merere leleene. Mi zin bibip kizin patoronŋana kan, mi zin ngarnan ki tutu zinŋan zin peeze kan tire i, to timar kini mi tiwi i. Tiso:

28 “Lak, uraata ta kamam na, nu zom pa? Mi asin iuru pa?”✠

29 Yesu ipekel kwon ma iso: “Wiŋana tiom ambai. Mi nio ansombe anwi yom pa tio ta i. Mi sombe

✠ **11:22-23:** Mt 17:20; Lu 17:6 ✠ **11:24:** Yo 14:13; Yems 1:5+

✠ **11:25:** Mt 5:23, 6:14+; Kol 3:13 ✠ **11:28:** Yo 2:18; Nŋo 4:7

kepekel, inako nio tomini anpekel niom tiom, mi anso yom pa asiŋ ta iur yo pa uraata tio ti.

³⁰ Lak! Yoan ta muŋgu ikamam yok pizin tomtom na, asiŋ iuri pa uraata kini? Ni ta imbotmbot saamba a, som zin tomtom?”

³¹ Mi zin tipekel karau som. Tiparwwi zin ma tiso: “Wai, iŋgi kozo ko toso parei? Pa sombe toso ‘Ni ta imbotmbot saamba a iuri’, to ni ko iso piti ta kembei: ‘Kena parei ta niom kuurla sua kini som?’

³²⁻³³ Mi sombe toso: ‘A Yoan na, tomtom ta tiuri pa uraata kini’, ko ambai?” (Tiso ta kembei paso, tomtom timap tipou Yoan ma tiso ni Anutu kwoono ŋonoono tau.) Tana timoto, mi tipekel sua ki Yesu ta kembei. Tiso: “Ii, niam amute som.” To Yesu kadoono isu mi iso pizin ta kembei: “Kenako nio tomini irao be anso yom pa Ni ta iur yo pa uraata tio i na som.”

12

Sua tooroŋana pa zin wal uraata kan (Mt 21:33-46; Lu 20:9-19)

¹ Tona Yesu imanŋa mi ikamam sua pizin ila sua tooroŋana. Iso: “Tomtom ta, ni iurpe toono kini be ipaaza ke baen pa. Mi ipo siiri ma iliu, mi iurpe baen piiziŋana muriini, to ipo beeze ta isala kor, bekena zin uraata kan timbot sala mi matan lala pa baen lene. Iurpe koron ta boozomen ma imap, to izem la kizin wal uraata kan naman be matan pa, mi imanŋa ma izem kar kini, mi ila imbot lele pakaana toro.✧

✧ **12:1:** Mbo 80:8+; Yesa 5:1+

² “Imbot imbot ma indeenje mai ki baen kejana, to ingo mbesoonjo kini ta ma ila kizin wal uraata kan, bekena ikam baen nonon pakan ma imar.

³ Tamen mbesoonjo kini tana iwwa ma ila ipet kizin uraata kan na, tikiskisi mi tibalisi. To tiseri ma namaana men mi ila ne.

⁴ Tona baen katuunu ingo mbesoonjo kini toro ma ila. Mi ni tomuni, zin uraata kan tipeeze panjaana mi tipamianji.

⁵ To baen katuunu ingo mbesoonjo kini toro ma iwe tel pa ma ila. Beso ila ipet na, zin tipuni ma imeete. Mi mbesoonjo kini pakan na, wal tana tikam mbulu raraate men pizin. Pakan, tibalis zin. Mi pakan na, tipun zin ma timetmeete.

⁶ “Baen katuunu inok inok ma som, to mataana ila pa itunu lutuunu ta leleene pini ilip kat na ma iso: ‘O, nioombe ango lutun nonono, nako zin len nger pini mi tipou pini.’ Tana ingo i ma ila.

⁷ Beso zin uraata kan matan ila mi tire lutuunu imar na, timanga mi tiparso pizin ma tiso: ‘Ouo kere! Biibi itunu lutuunu ta imar i. Ni tabe imender pa koron ti pa kaimer mi iwe katuunu. Lak, kozo tupuni ma imeete. Naso koron ti imbot ma iwe lende!’[✠]

⁸ To timanga na tikiskisi, mi tipuni ma imeete, to tipiri i lae siiri ndemeene.”[✠]

⁹ Yesu iso sua tana ma imap, to iwi zin ma iso: “Lak, ina kozoko baen katuunu ikam parei pizin wal tana? Ni kola imar ma ikas zin ma timetmeete lup, mi ikam baen lene kini tana ma iur la wal pakan naman be timboro kat.”[✠]

✠ 12:7: Mt 27:18 ✠ 12:8: Ibr 13:12 ✠ 12:9: Ngo 13:46, 28:28

10 To iseenge sua kini mi iso: “Sua ki Anutu ta tibeede se ro na, niom kapaata som? Sua ta isombe:

Pat ta zin wal ruumu poŋana kan matan repiili, mi tipiri lae lene na,
pat tamen tana, ta ko tipamender ruumu sala ma imbol.

11 Mbulu tina ipet pa Anutu itunu mburaana. Mi amre na, ipa ndel kat.”✧

12 Zin bibip kizin Yuda tileŋ sua tooroŋana tana na, tikilaala kembei Yesu iso sua tana ise kizin. Tanata tisombe tikisi pataaŋa. Tamen timoto kan pizin iwal biibi, tana tizemi ma imbotmbot, mi tila len.

Wiŋana pa takes piriŋana
(Mt 22:15-22; Lu 20:20-26)

13 Kaimer, mana tiŋgo tutu kan pakan ziŋan Erot wal kini pakan ma tila ki Yesu be titoombi pa wiŋana pakan. Beso ni ipekel ŋoobo, to iwe le uunu.

14 Tana timar tipet kini, mi kwon imbeeze pini ma tiso: “Mos katuunu, niam amute: Nu tomtom ki sua ŋonoono men. Nu moto tomtom sa som, mi zzo katkat sua ŋonoono men pizin tomtom, bekena paute zin kat pa Anutu zaala kini. Tana so kat piam. Nu re be parei? Iti sombe tigiibi takes ila ki Kaisa, ko indeeŋe pa tutu kiti, som som? Ko takam pini, som takam som?”

15 Tamen Yesu, ni iute pakaamŋana kizin kek. Tana isu mi iso pizin: “Parei ta koso kotoombo yo? Pat ta tiwirri pa takes na, kakam tasa imar ma aŋre.”

✧ 12:11: Mbo 118:22+

¹⁶ Tana tikam pat denari ta ila kini. Mi ni iteege, to iwi zin. Iso: “Lak, asiŋ runḡuunu mi zaana ti?” To tiso: “Ina Kaisa tau.”

¹⁷ Tona Yesu iso: “Tana. Koronj ta Kaisa zaana pa, to ila kini. Mi koronj ki Anutu na, ila ki Anutu.” Tileŋ pekelnana kini tana mi timurur pa.✠

*Wal meetenjan, ko timanḡa mini, som som?
(Mt 22:23-33; Lu 20:27-40)*

¹⁸⁻¹⁹ Zin sadusi na, Yuda pakan ta tiurla kembei Anutu ko ipei zin meetenjan ma timanḡa mini som. Tana Yesu imbotmbot, mi zin sadusi pakan timar kini mi tiwi i ta kembei. Tiso: “Mos katuunu, Mose ibeede tutu piti ta kembei. Sombe tomooto sa iwoolo moori ma tipeebe sa som, mi imeete, to tiziini bela iwoolo ka nooro. Beso ipeebe ma inḡi to, pikin ikel toono kolmanḡana ta imeete na.✠

²⁰ “Lak, lwoono ta na, tonmatizij lamata mi ru. Timbotmbot ma munḡamuḡa iwoolo. Mi ikam kelḡana sa som, mi imeete.

²¹ To tiziini ta ito i na, ikam ka nooro. Mi tipeebe sa som, mi ni tomini ra, imeete. Mi tiziini ta iwe tel pa na, ikam mbulu raraate men.

²² Ta kembei kembei ma zin lamata mi ru tana timetmeete lup. Mi len kelḡana sa som. To kaimer na, moori tomini, ni imeete.

²³ Lak, indeenḡe mberḡ kaimer ma zin meetenjan tisombe timanḡa mini pa naala, na moori tina ko iwe tomtom inḡoi kusini? Pa zin lamata mi ru ta tiwooli na.”

✠ **12:17:** Un 1:27; Ro 13:7; 1Pe 2:17 ✠ **12:18-19:** Lo 25:5; Nḡo 23:8

24 Yesu ipekel kwon ma iso: “Aiss, niom tina kuute Anutu mburaana mi sua kini risa som kat, tanata kakam ngar ŋoobo.

25 Indeeŋe mbeŋ kaimer ma zin meeteŋan ti-sombe timaŋga mini pa naala, na tomtom ko tipar-woolo zin mini som. Pa zin ko kembei zin aŋela ta timbot saamba a.✧

26-27 Mi manŋaŋana kizin wal meeteŋan, ina niom katalli pa kat. Parei, mazwaana ta Anutu ipet ki Mose na, kapaata ka mbol som? Indeeŋe tana, ni iwe kembei you ta ikanan la ke leleene na, mi iso pa Mose ma iso:

Nio iŋgi Anutu ki Abaraam, Isak, mi Yakop.✧

“Sua tana iswe kembei zin matan yaryaara ma timbotmbot raama Anutu. Mibe timeete ma tila len kat, so ni irao ipaata itunu be Anutu kizin som.”

Tutu mataana kana
(Mt 22:34-40; Lu 10:25-28)

28 Timbotmbot ma tomtom ngarŋana ta ki tutu, ni imar mi ileŋ Yesu ziŋan zin Sadusi tiparzor-zooro pa sua. Mi ire kembei Yesu ipekel kat wiŋana kizin, tana imar kini mi iwi i ta kembei. Iso: “Tutu iŋgoi ta ilip pa tutu ta boozomen?”

29 Yesu ipekel kwoono ma iso: “Tutu mataana kana ta kembei:

O niom Israel kelen! Merere Anutu kiti, ni ituta-men ta Merere ŋonoono. ✧

30 Tana ur lelem ila ki Merere Anutu ku, raama ngar ku mi mburom, ma imap ma iwe ni lene men.
✧

✧ 12:25: 1Kor 15:42+, 15:52 ✧ 12:26-27: Kam 3:6; Ngo 7:32; Ibr 11:16 ✧ 12:29: Lo 6:4+ ✧ 12:30: Lo 10:12+

31 “Mi tutu biibi toro ta iwe ru pa, ina ta kembei: Ur lelem pizin tomtom kembei ta lelem pa itum.

“Tutu lwoono ru tina ta tilip pa tutu ta boozomen.”✠

32 Tomtom ngarņana ki tutu tina ileņ, to iso pa Yesu ma iso: “Mos katuunu, nu so kat! Sua ta so na, ina ņonoono men. Pa Merere Anutu, ni itutamen ta Merere ņonoono. Merere toro sa som.”✠

33 Tanata tuur lelende ila kini raama ki ngar kiti mi mburanda ma imap ma iwe ni lene men. Mi tuur lelende pizin tomtom kembei ta lelende pa itundu. Pa iti sombe takan la tutu lwoono ru men ti mi tuurpe, inako Anutu ire kembei ilip pa patoronņana boozomen ta tenenne sala artaal mi patoronņana pakan tomini.”✠

34 Yesu ire kembei tomtom tana ipekel kat raama ngar, tana iso pini ma iso: “Nu mbot molo pa peeze ki Anutu som.” Indeeņe tana mi ila na, zin tiwi Yesu pa kosa sa mini som. Pa timoto.

Mesia ko iyooto pa Dabit be parei?

(Mt 22:41-46; Lu 20:41-44)

35 Indeeņe Yesu ikamam sua pizin tomtom lela Urum Merere lene na, iwi zin ma iso: “Lak! Parei ta zin ngarņan ki tutu tisombe Mesia ko iyooto pa king Dabit popoņana kini? Pa mungu Bubunņana Potomņana ipei ngar ki Dabit, mi ni iso ta kembei:

36 Merere Anutu iso pa Biibi tio ma iso:

Mar mbulem su nomoņ woono
ma irao anķoto kom koi bizin ma mburan imap
kat,

✠ 12:31: Wkp 19:18; Ga 5:14; 1Tim 1:5; Yems 2:8 ✠ 12:32: Lo 4:35,39 ✠ 12:33: 1Sam 15:22; Yesa 45:21

mi kumbum ise nguren.[☆]

³⁷ “Tana Dabit itunu ipaata Mesia be Biibi kini. Lak, poponjana sa ki Dabit ko irao be ilip pini be parei?”

Iwal biibi ta tilenjen Yesu sua kini na, menmeen zin mi lelen ambai kat.

Mbulu pakurnjana kizin ngarnjan ki tutu
(Mt 23:1-36; Lu 20:45-47)

³⁸ Yesu ikamam sua pizin mi iso ta kembei: “Motoyom ingal ituyom pizin ngarnjan ki tutu. Pa zin lelen be tirru pa mburu kizin ta mololo i. Mi tiwwa pa kar keteene, bekena tomtom tire zin mi tiso sua pakurnjana pizin.

³⁹ Mi sombe tilela lupnana muriini, som tila pa kini kanjana, to loja mi tiserseere ma tila be mbulen se mbalia mataana kana ta zin wal zannan murin na.

⁴⁰ Mi zin koronj to tiwadatkewe zin noronja bekena tikem len ruumu kizin ramaki mburu kizin. Mi tipakamkaam ma tikamam sunjana mololo. Tana kadoono tabe tikam pa mbulu kizin tana, ko sorok som kat.”

Patoronjana ki nora tuunu ta
(Lu 21:1-4)

⁴¹ Yesu mbuleene isu koloujana pa kolekta muriini, mi mataana ilala pizin iwal biibi ta tilala ma tiurur pat izulla. Mi zin mbio uunu boozo ta timar ma tipiri pat bibip.

⁴² Yesu imbotmbot, mi nora ta, ra, imar ma ipiri pat sinjinjan ru ta munmun i.

[☆] 12:36: Mbo 110:1; Ngo 2:34+; 1Kor 15:25; Ibr 1:13

⁴³ Yesu ire mbulu ki nora tana, to iboobo nanḡanḡ kini ma timar, mi iso pizin ta kembei: “Ai, kere nora tuunu tinḡa. Nio anso kat piom. Pat ta ni ipiri sula kolekta na, ilip pa tomtom ta boozomen tinḡi.

⁴⁴ Paso, zin pakan na, koronḡ kizin boozo ta imbotmbot mi tipiri rimen. Mi ni na som. Pat kini ri tabe imboro i, ta imap lup ma isula. Tana itunu ko imbot sorok.”✧

13

Yesu iso pa Urum Merere reeḡḡana

(Mt 24:1-2; Lu 21:5-6)

¹ Yesu izem urum lene, mi isombe iyooto ma ila. Som, mi nanḡanḡ kini ta, ni imanḡa mi iso pini. Iso: “Mos katuunu re! Pat ta tipo urum ti pa na, nḡeezeḡan mi bibip men! Mi zin ruumu tinḡi ta kembena. Tilip kat!”

² Yesu ipekel kalḡaana mi iso: “Ruumu bibip ta rre zin ti, kaimer ko tireege ma tipiri kinḡakinḡa ma kan mburu tisu len lup. Kan koronḡan risa ko imbot se muriini mini na som.” ✧

Patanḡana boozo kola iwedet mana urum reeḡḡana

(Mt 10:17-22, 24:3-14; Lu 21:7-19)

³ Tizem Urum Merere mi tipa ma tila ma tisala abal Olib, to Yesu mbuleene su mi ire la pa urum. Imbotmbot mi Petrus, Yems, Yoan, mi Andreas tila kini mi tiwi i. Tiso:

⁴ “Biibi, so kat piam. Sua ta koozi so pa urum tinḡa reeḡḡana na, ko iur nḡonoono nḡiizi? Mi sombe ka nol igarau, inako ka kilalan pareinḡana?”

⁵ Yesu ipekel kwon ma iso: “Motoyom ingalngal ituyom. Kokena tomtom sa ipandelndel yom. ☆

⁶ Pa wal boozo kola timanga mi tipaata sorok nio zon mi tiso: ‘Ulaana tabe imar i, na nio tau.’ Mi wal boozomen ko tikan la sua kizin. ☆

⁷ “Mi sombe kelej malmal ka orooro, som malmal bibip urun na, keteyom guruk mi komoto pepe. Pa mbulu ta kembena kola iwedet. Mi toono swoono, nako zen.

⁸ Pa toono ta boozomen ka tomtom bizin kola tiparkam malmal pizin. King ta ko ikam malmal pa king ki lele toro. Yenyeenge kola titok toono pakan, mi lele pakan ko tikan peteele. Patajana boozomen tana, ina iwe mataana pa patajana bibip tabe tipet pa kaimer i. ☆

⁹ “Mi motoyom ingal ituyom! Pa koyom koi bizin ko tikam yom, mi tipamender yom su zin wal peeze kan matan, mi tibalis yom lela lupjana kizin murin. Mi ko tikam yom ma tipamender yom la zin king mi zin bibip keren uunu, mi tingal motoyom. Paso, niom kototo yo tau. Mi mbulu tina ko iwe zaala piom be keswe urun mi kopombol sua tio ila matan. ☆

¹⁰ Mi bela tisoyaara urunu ambainana ma ila irao karkari ta boozomen mungu, to mbulu tana ipet.

¹¹ “Mi sombe tikam yom mi tipamender yom la zin bibip matan be titiiri sua tiom, na kopoyom rru mi motoyom rru sua tabe koso i pepe. Pa indeenge ta so tipamender yom, na Anutu itunu ko iso yom pa sua tabe koso i. Tana ngar ta so ise pa

☆ **13:5:** Ep 4:14; 2Tes 2:1+; 1Yo 4:1 ☆ **13:6:** Ngo 5:36+; 1Yo 2:18

☆ **13:8:** Tur 6:3+ ☆ **13:9:** Ngo 18:12; Tur 2:10

leleyom pa mazwaana tana, na koso men tau. Pa ina niom ituyom leleyom mi koso som. Ina imar pa Bubunana Potomnana tau. ✧

12 “Indeeje mazwaana tana, tomtom ko tiur tonmatizin kizin ila wal pakan naman be tipun zin ma timetmeete. Mi zin kolman ko tikam ta kembena pa lutun bizin. Mi zin nanḡar ko tizooro taman ma nan bizin, mi tiur zin la wal pakan naman be tipun zin ma timetmeete.

13 Mi tomtom ta boozomen ko tiwe koyom koi. Paso, niom kewe leḡ mi kototo yo tau. Tamen tomtom ta sombe imender mbolnana mi ikiskis urlanana kini ma irao swoono, na Anutu ko ikamke i ma imbot ambai. ✧

*Pataḡana biibi kat kola ikam zin Yerusalem kan
(Mt 24:15-28; Lu 21:20-24)*

14 “Kaimer ko kere wal pakan tipamender koron sananḡana kat ilela lele potomnana ta ka ḡgalsekinana. To lele tana isaana kat ma imborene. (Tomtom sa isombe ipaata sua ti na, itunu irao be ikam ḡgar pa ka uunu.) Mbulu tana iso ipet, na zin wal ta timbotmbot lele pakaana ki Yudea na, loḡa mi tiko ma tisala pa lele abalabalnana. ✧

15 Tana tomtom sa isombe imbotmbot sala ruumu kini ka pooto, na ilela ruumu be ikam koron kini sa pepe. Kanḡar pataḡa ma ila. ✧

16 Mi sombe tomtom sa imbotmbot mokleene kini mi ikamam uraata, na iloondo ma ila ruumu mini be ikam kawaala kini toro sa pepe. Ni tomini, kanḡar pataḡa ma ila.

✧ **13:11:** Lu 12:11+ ✧ **13:13:** Yo 15:18,20; Tur 2:7,11, 3:5

✧ **13:14:** Dan 9:27, 11:31, 12:11 ✧ **13:15:** Lu 17:31

17 Zin moori ta sombe koponŋan mi zin ta pe-myamŋan pa mazwaana tana, na ra, tembel zin kek. Pa pataŋana biibi kola ikam zin.

18 Tana kusuŋ pa Anutu. Kokena mbulu tana ipet pa gorgor ki yaŋ.

19 Pa pataŋana tana, ko sananŋana kat ma ilip pa pataŋana boozomen ta tipet pa toono kek na. Indeeŋe mata popoten ta Anutu iur saamba mi toono, mi imar imar ma indeeŋe koozi na, pataŋana sa ta kembei ipet pasa zen. Mi kaimer ko pataŋana toro sa ta kembei ipet mini som. ✧

20 Pataŋana tana, sombe Merere ipemet loŋa som, inako tomtom sa irao imbot na som. Tamen ni kopoono pizin wal kini ta iroogo zin pa itunu kek, tana kola ipemet ma imap karau men.

21 “Mbulu tana iso ipet, mi sombe tomtom sa iso piom ma iso: ‘Kere. Mesia ta itunu tis!, som ‘Ni imbotmbot tiŋga!’, na kuurla sua kini pepe. ✧

22 Pa wal pakamkaamŋan kola tipet, mi tipakaam ma tiso ta kembei: ‘Nio Mesia’, som ‘Nio Anutu kwoono.’ Mi ko titooro moŋ boozo mi tikam uraata bibip pakan beken a tipakaam zin tomtom pa. Mi Anutu wal kini ta ni iroogo zin pa itunu na tomini, wal tana ko titoombo be tipakaam zin. ✧

23 Kelenŋ, koronŋ boozomen tana ipet zen, mi iŋgi aŋsotaara yom pataŋa. Tana motoyom iŋgal ituyom.

*Miiliŋana ki Tomtom Lutuunu
(Mt 24:29-31; Lu 21:25-28)*

✧ 13:19: Dan 12:1; Yoel 2:2 ✧ 13:21: 2Tes 2:1+ ✧ 13:22: Lo 13:1+; 2Tes 2:9+; Tur 13:13

24 “Pataŋana boozomen tana tisombe tipet lup, inako molo som to zoŋ mataana imeete. Mi puulu tomini, ko iyaara mini som.

25 Mi pitik ko tizem murin mi titoptop, mi Anutu ko itok zin koron mburanŋan ta timbot sala maŋaanaŋana na.

26 Tona tomtom kola tire sala pa Tomtom Lutunu imbot lela miiri tieene mi imiili ma isu raama mburaana biibi kat mi azuŋka kini. ✧

27 Mi ni ko iŋgo zin aŋela kini ma tila tipa pa lele ta boozomen irao toono mi saamba ka senŋaŋa beken a tiyogeege zin wal kini ta ni iroogo zin pa itunu na, ma tila tilup zin la kini. ✧

*Sua tooroŋana pa ke fik
(Mt 24:32-35; Lu 21:29-33)*

28 “Kere la pa ke fik mi kakam ŋgar pa. Pa ke tana isombe iruŋ, tona kikilaala kembei iŋgi be zoŋ biibi isu.

29 Ina zaala raraate men tau pa mbulu ta aŋzo yom pa i. Niom sombe kere mbulu ta boozomen tana tiwedet, to kikilaala ta kembei: Miiliŋana ki Tomtom Lutunu, ta ka nol igarau kek.

30 Nio aŋso kat piom: Wal ta koozi kan i ko timap pa toono zen, mi tire uraata boozomen tiŋgi ipet.

31 Saamba mi toono kola timbiriizi. Tamen sua tio irao be ila lene na som. Ko imbotmbot men ta kembei. ✧

*Miiliŋana ki Tomtom Lutunu na, tomtom sa iute
ka nol som
(Mt 24:36-44)*

✧ **13:26:** Dan 7:13; 1Tes 4:16+; Tur 1:7 ✧ **13:27:** Mt 13:41

✧ **13:31:** Mbo 102:25+, 119:89; Mt 5:18

³² “Nol tabe koronj ta boozomen tana tipet pa i, na tomtom sa iute som. Mi anjela ta timbot saamba na tiute som, mi Lutuunu tomini, iute som. Tamaana itutamen ta iute. ✧

³³ Tana motoyom ingalngal ituyom. Pa nol tana, niom kuute som.

³⁴ Ko ipet kembei ta tomtom ta, ni ikam ngar be ila pa lele molo. Tana izem ruumu kini ila mbe-soonjo kini naman be timboro, mi iur len uraata ikot zin tataja. Mi isotaara tomtom ta imborro kataama na, be iur mataana pini mibe izza i. Tona izem zin mi ila. ✧

³⁵ Nio anso piom. Motoyom ingal ituyom. Pa nol tabe ruumu katuunu imiili ma imar pa i, ina niom kuute som. Ko indeenje rorou, som mbenj lukutuunu, som lele imarmar, som mbenjbenjana. ✧

³⁶ Kokena ni imar karau men na, ire yom ke-keenemeete.

³⁷ Sua ti anso piom, mi ila pizin wal ta boozomen tomini. Kapamatmaata ma kombotmbot, mi kuur motoyom pa biibi tiom!”

14

Zin bibip timbuuru pa Yesu

(Mt 26:1-5; Lu 22:1-2; Yo 11:45-53)

¹ Pasoba mi lupjana biibi kizin Yuda tabe tikan narabu ta ka yis somjana i na, ka mbenj ru men imbotmbot be ipet. Tana zin bibip kizin patoronjana kan zinan zin ngarnan ki tutu tilup zin, mi tirru zaala kejana sa pa Yesu be tikami, mi tipuni ma imeete.

✧ **13:32:** Ngo 1:7; 1Tes 5:1+ ✧ **13:34:** Mt 25:14; Lu 12:35+

✧ **13:35:** Lu 12:38

² Mi tiparso pizin ma tiso: “Kozo takami pa mazwaana ki lupɲana biibi tainɲi pepe. Kokena zin iwal biibi timaɲga mi tikam malmal.”

Moori ta ilin ɲgere sala Yesu uteene
(Mt 26:6-13; Yo 12:1-8)

³ Yesu ziɲan naɲgan kini timbotmbot ki Simon ta kar Betania. Simon tana, ni muɲgu mbetmbeete sananɲana ikami. Zin mbulen isu ma tikanan kini ma timbotmbot, mi moori ta, ni ikam ɲgere kuziiniɲana ta ka kadoono biibi kat na, mi imar. To ibokat ɲgere putuunu kwoono mi ilin sala Yesu uteene.

⁴ Mi wal pakan ta ziɲan Yesu timbotmbot na, tire na irao lelen som. Tana tiyo kwon pini ma tiso: “Wai, moori ti ipasaana sorok ɲgere paso?”

⁵ ɲgere ti na, ka pat ta sorok som. Be tonɲgomoono, so takam pat biibi kembei 300 denari mi kwoono be tu'uulu zin sorrokɲan pa!” Tana tiyaambi.

⁶ Tamen Yesu iso: “Kumbuulu kwoyom pini paso? Mbulu ta ni ikam pio na, ambainɲana kat.

⁷ Pa wal sorrokɲan ko niomɲan kombotmbot ma alok. Tana mazwaana boozomen ta niomombe leleyom be ku'uulu zin, inako karao be ku'uulu zin. Mi nio, nako itinɲan tombotmbot ma molo som.

⁸ Koron ta ni irao be ikam pio, ta ikam kek. ɲgere ti, ni ilin salakaala yo beken a iurpe yo pa kon mete.*

⁹ Tana nio aɲso kat piom: Kaimerombe tomtom tisoyaara uruɲ ma irao karkari, inako tiwidit mbol pa mbulu ta ni ikam pio i, beken a tomtom matan kiskis.”

* 14:8: Yo 19:40

*Yudas iyok be iswe Yesu
(Mt 26:14-16; Lu 22:3-6)*

¹⁰ To nanganj ki Yesu laamuru mi ru tana, tomtom kizin ta, zaana Yudas Iskariot, ni imanja ma ila kizin bibip kizin patoronjana kan, mi iso pizin ta kembei: Ni ko iurpe zaala pizin be tikam Yesu.

¹¹ Mi tilej sua kini na, lelen ambai kat mi timbulk sua pini be tikam le pat. Zijan timbulk sua makin, tona Yudas ila ma irru zaala be iur Yesu ila naman.

*Yesu zijan nanganj kini tikan Pasoba ka kini
(Mt 26:17-25; Lu 22:7-14,21-23; Yo 13:21-30)*

¹² Timbot ma aigule mataana kana ki lupjana biibi tana ipet. Mi ina aigule tabe tipun zin sipsip pa Pasoba i. Tana nanganj kini tiwi Yesu ma tiso: “Lak, kini ki Pasoba na, ko amurpe pu isu swoi?”[☆]

¹³ Tana Yesu injo nanganj kini ru be tila. Mi isotaara zin ta kembei. Iso: “Kelela pa kar biibi, to kere tomtom ta ikwaara yok kuurujana, mi ikonjuru yom ma ima. Koto i,

¹⁴ mi kere, beso isala ruumu tasa, to koto i ma kelela. Mi koso pa ruumu katuunu ta kembei. Koso: ‘Mos katuunu tiam ikam wijana pu ta kembei: Ruumu leleene injoi tabe ni zijan nanganj kini timbot pa mi tikan kini ki Pasoba i?’

¹⁵ Ni ko iso yom pa ruumu leleene biibi ta imbot kor mi tiurpe ma ambai pataanja kek. Tana kuurpe kanda kini isu tana.”

¹⁶ Yesu iso sua ma imap, tona nanganj kini ru tana tizemi, mi tiwwa ma tila kar biibi. Mi tire koronj ta boozomen ila itoptop kat la Yesu kaljana. Tana tiparanjanj kini mi koronj ta boozomen pa sunjana ki Pasoba.

[☆] **14:12:** Kam 12:6+

17 Timbotmbot ma zoŋ isula, to Yesu ziŋan nanŋaŋ kini pakan timar, mi mbulen su pa kini kanŋana.

18 Tikanan ma timbotmbot, mi Yesu isu ma iso: “Nio aŋso kat piom. Tomtom tiom tasa kola iur yo la koŋ koi bizin naman. Tomtom tau itinŋan takanan kini i.”✠

19 Nanŋaŋ kini tileŋ sua tana na, lelen ipata. To zin tataŋa timanŋa mi tiwi i. Tiso: “Sua ku tana, nu so pio?”

20 Yesu iso pizin: “Niom laamuru mi ru tana, tiom tasa ko ikam. Tomtom tana, niamru amtizik narabu isula mbooro tamen.

21 Tana Tomtom Lutuunu kola tipuni ma imeete. Ka sua imbot pataŋa kek. Mi tomtom tabe iswe i la ka koi bizin i na, tembeli kek! Naana ra, ipeebe som, so ndabok!”

Temen pemetŋana

(Mt 26:26-30; Lu 22:14-20; 1Kor 11:23-25)

22 Tikanan ma timbotmbot, mi Yesu ikam narabu ma isuŋ pa, to itette ma irao zin nanŋaŋ mi iso: “Kakam ma kakan. Inŋi nio mozoŋ ŋonoono.”

23 Tona ikam mbooro baen ma isuŋ pa, mi ikam la ki nanŋaŋ kini, mi zin ta boozomen tiwin. Tiwin makin, to ni iso:

24 “Ina nio siŋiŋ, ta ko ireere ma isu, mi iwe zaala be Anutu ziŋan zin tomtom boozomen tiparlup zin ma tiwe tamen.”✠

25 Nio aŋso kat piom. Nio ko aŋwin baen mini som, mi ila indeeŋe ta aŋwin baen popoŋana lela Anutu kar kini.”

✠ 14:18: Mbo 41:9 ✠ 14:24: Kam 24:8; 1Kor 10:16; Ibr 8:8+, 9:16+

²⁶ Tikan makin, to timbo mboe sunnana kana ta, mi tizem ruumu mi tisala pa abal Olib.✠

Yesu iso Petrus ko iwatkaali
(Mt 26:31-35; Lu 22:31-34; Yo 13:36-38)

²⁷ Mi Yesu iso pizin nangan kini ma iso: “Mben ta koozi, niom ta boozomen ko kotop pa urlanana tiom mi kipizil ndemeyom pio. Pa sua ki Anutu imbot pataana kek ta kembei:

Nio ko anpun mboron kizin sipsip, mi zin sipsip ko tiko papirik lup.✠

²⁸ Tamen kaimer sombe anmanga mini pa naala, nako anmuungu ma anla mi ansa yom su Galilea.”

²⁹ To Petrus imanga mi iso: “Inako zin pakan. Mi nio, nako anrao antop mi anpizil ndemen pu na som.”

³⁰ Mi Yesu iso pini ma iso: “Petrus, nio anso kat pu. Mben ta koozi, nu kola watkaala zon pa tel, mana man itan ma iwe ru pa.”

³¹ Mi Petrus kwoono imbol ma imbol kat ma iso: “Asin iso u? So tipunu, nako tipun yo tomini ma ituru mi temetmeete raraate. Mi irao anwatkaala zom na som. Som kat!” Mi zin ta boozomen tiso sua raraate men.

Yesu isun su lele Getsemane
(Mt 26:36-46; Lu 22:39-46)

³² Yesu zinan nangan kini tipa ma tila tipet lele ta, zaana Getsemane. Tona iso pizin ta kembei: “Mbuleyom su tinji ma kombotmbot, mi nio anla ansun.”

33 To ikam Petrus, Yems, mi Yoan ma ziŋan tila. Yesu leleene ipata biibi kat, mi ikam ŋgar boozo pa pataŋana tabe ise kini i.

34 Tana iso pizin ma iso: “Aiss, leleŋ ipata kat. Lelen pataŋana taŋgi be ipun yo ma aŋmeete i. Tana kapamatmaata mi itiŋan tombotmbot.”☆

35 Pa Yesu iute: Nol kini ta ipet kek. Tana izem zin ma timbot, mi ipa ma ilae ri. To iŋgun kumbuunu isu toono mi isuŋ Anutu, be sombe itunu leleene, nako ipiŋgis pataŋana tana ma imbot molo pini.

36 To iso: “O Abba * Tamaŋ, nu tat pa kosa sa som. Tatke mbooro taŋgi pio. Iŋgi niŋo aŋso. Mi nu itum tau.”

37 Isuŋ makin, mi imiili ma imar, to ire naŋgaŋ kini tel tina tikenne. Tana iso pa Petrus. Iso: “Simon, nu kenne? Irao be pamaata risa som?”

38 Niom kapamaata mi kusuŋ. Kokena toombona ikam yom to kotop. Pa lelende na, mata lenlen. Mi kulindi na mburaana irao som.”☆

39 To izem zin mi ila ma ipoto sunŋana kini mini.

40 Isuŋ ma imap, tona imiili ma ila mini. Mi ire zin naŋgaŋ kini tikenne men. Paso, matan ikam sanaana zin ma tisaana kat. Tana len sua sa be tiso pini na som.

41 Yesu ila isuŋ mini ma iwe tel pa. Mi imiili ma imar mini, to iso pizin: “Wai, malaiŋana ikam yom ma kekenne men? Irao tana! Pa nol tabe tiur Tomtom Lutuunu ila zin wal sananŋan naman, ta iŋgi ipet kek.

☆ **14:34:** Yo 12:27 * **14:36:** Yesu izzo Aramea kaŋan. Zin Aramea tiwatwaata taman bizin be ‘Abba’. ☆ **14:38:** Ro 7:23; Ga 5:17

⁴² Kamaŋga mi tala. Pa kere: Tomtom ta ila iswe yo la koŋ koi bizin, ta iwwa ma imar i!”

Tikam Yesu

(Mt 26:47-56; Lu 22:47-53; Yo 18:3-12)

⁴³ Yesu izzo sua mi molo som na, Yudas ziŋan zin iwal biibi ta timar raama buza mi zaaba. (Yudas tana, ni tomtom ta ta imbot la Yesu naŋaŋ kini laamuru mi ru na.) Wal tana, zin bibip kizin patoronŋana kan ziŋan zin ŋgarŋan ki tutu mi zin peeze kan kizin Yuda tiŋgo zin ma timar.

⁴⁴ Mi Yudas isotaara zin kek ta kembei. Iso: “Kere. Tomtom ta sombe aŋbeŋbeŋe pini, ina ni tau. Kikiskisi mi komboro kati ma kala.”

⁴⁵ Tana zin iwal biibi tina timar tipet to, Yudas ikonjuru Yesu ma ila, mi iso pini: “Mos katuunu!” Mi imbeŋbeŋe pini.

⁴⁶ To tikiskis Yesu, mi tikami be tila.

⁴⁷ Mi naŋaŋ kini ta, tau imender kolouŋana, ni imanŋa na ipas buza kini mi ipiri na, isap tomtom ta taljaana ma itop su. Tomtom tana, ni mbesoono ki biibi kizin patoronŋana kan.

⁴⁸ To Yesu iso pa iwal biibi tana. Iso: “Wai, nio ti tomtom malmalŋoŋ sa, ta kamar ramaki buza ma zaaba be kakam yo i?”

⁴⁹ Aigule boozomen ta itiŋan tombotmbot la Urum Merere kwoono mi aŋkamam sua piom na. Parei ta kakam yo pataaŋa som? Ambai. Tonjo. Ingi be sua ki Anutu ta tibeede muŋgu kek na, iur ŋonoono.”

⁵⁰ Ni iso sua tana, to naŋaŋ kini ta boozomen tizemi, mi tiko ma tila len.*

* **14:50:** Mbo 88:8; Mk 14:27

⁵¹ Nanḡaḡ kaibiim ta, ni ikawaali pa kawaala kokouḡana mi ito Yesu. Mi zin malmal kan tiso tikami tomini.

⁵² Tabe ni imanḡa to, kawaala kini ipurus ma itop su lene, mi iko ma ila lene.

*Tipamender Yesu isu zin peeze kan keren uunu
(Mt 26:57-68; Lu 22:54-55,63-71; Yo 18:13-14,19-24)*

⁵³ To tikam Yesu ma tila ruumu ki biibi kizin patoronḡana kan. Mi zin patoronḡana kan, ziḡan zin ḡgarḡan ki tutu mi zin peeze kan tilup zin su ruumu tana ma timbotmbot.

⁵⁴ Mi Petrus, ni itokelkeeli ma ila. Ila ma igarau ruumu tana kwoono, to mbuleene su you uunu, mi ziḡan zin menderḡan timbotmbot ma you ilolo zin.

⁵⁵ Mi zin bibip kizin patoronḡana kan ziḡan zin peeze kan ta boozomen titoombo be tiru tomtom pakan be tipombol sua pakaamḡana pa Yesu. Naso tirao be tipuni ma imeete. Tamen tiru ma som.

⁵⁶ Nonoono, wal boozo timanḡa mi tipombol sua pakaamḡana pini. Tamen sua kizin ila iwe mataana tamen som. Tomtom ta iso sua ta, mi toro iso toro.✧

⁵⁷ Tona zin tomtom pakan timanḡa mi tipombol sua pakaamḡana ti pini. Tiso:

⁵⁸ “A! Niam amleḡ ni itunu iso ta kembei: Urum Merere biibi ta tomtom tipo pa naman ti na, ni ko ireege ma isu lene. Mi ko ipamender toro pa aigule tel men. Mi urum toro tana ko imanḡa pa tomtom mburan som.”✧

✧ 14:56: Kam 20:16; Lo 19:15 ✧ 14:58: Yo 2:19; Nḡo 6:14

⁵⁹ Tamen zin tomini, tiso sua raraate som. Tiso ndelndelŋa.

⁶⁰ To biibi kizin patoronŋana kan imanga ma imender su zin iwal keren uunu, mi iwi Yesu. Iso: “Sua ta tigibgiibi pu na, nu rao be pekel som?”

⁶¹ Mi Yesu ipekel sua sa som. Imaane men. Tabe biibi tana iwi i mini ma iso: “Kozo so kat sua ma amleŋ. Nu Mesia? Nu Anutu ta tapakurkuri na Lutuunu?”[✠]

⁶² Yesu ipekel kwoono ma iso: “E! Nio tau. Mi kaimer to niom ko kere: Tomtom Lutuunu, ni mbuleene ise muriini ta imbot la Anutu mbolkenkenŋana namaana woono. Mi ko kere ni imbot se miiri tieene saamba kana mi imili ma imar.”[✠]

⁶³ Biibi kizin patoronŋana kan ileŋ sua tina na, ipas keteene. To iraza mburu kini mi iso: “Oo imap. Turu tomtom toro be iso ka sua paso? Buri na tapas kat sua ila itunu kwoono i.

⁶⁴ Niom ituyom kombot mi keleni. Ni ipasaana sua pa Anutu kek. Lak, niom koso parei?” Tona zin ta boozomen timanga mi tiso: “Tomtom ta kembena imbot pepe. Ina uunu kini tina tabe imeete pa i!”[✠]

⁶⁵ Mi tomtom kizin pakan timanga mi tipures la mataana, mi tizuk mataana, mi tilul naman mi tipuni. Mi tipeŋeu i ma tiso: “Nu Anutu kwoono, na? Kena so lak! Asinŋ ta ipunu na?” To zin menderŋan kadoono tikami mi tipuni.

Petrus iwatkaala Yesu zaana
(Mt 26:69-75; Lu 22:56-62; Yo 18:15-18,25-27)

✠ **14:61:** Yesa 53:7 ✠ **14:62:** Mbo 110:1; Dan 7:13; Tur 1:7

✠ **14:64:** Wkp 24:16; Yo 19:7

⁶⁶⁻⁶⁷ Petrus imendernder kolouŋana pa you ta ikanan la ruumu ka siiri leleene na, ma ilolo i. Mi mbesooŋo moori ta ki biibi kizin patoronŋana kan, ni imar ma ire i, to igeedi ma iso: “Ai, nu tomini, niomru Yesu ki Nasaret kawwa.”

⁶⁸ Tamen Petrus iwatkaali ma iso: “Wa, sua ta so na, nio aŋute som. Aŋkankaana pa.” To izem muriini mi ruk ma ipera ŋana.

⁶⁹ Mbesooŋo moori tina ire Petrus mini, to iso pizin wal ta ziŋan timendernder na, ma iso: “Kere to tis. Ni tomini ziŋan tau.”

⁷⁰ Tamen Petrus iwatkaali mini.

Timbot ri, to zin wal ta ziŋan timendernder tina na, timaŋga mi tiso pa Petrus mini ta kembei: “Nonoono kat. Nu tina niomŋan tau. Pa nu sa tomtom ki Galilea na.”

⁷¹ Tabe Petrus imaŋga mi kwoono imbol ma iso: “Nonoono kat. Sombe aŋpakaam na, Anutu itunu ipasaana yo lak! Tomtom ta niom kozzo pini na, nio aŋute i risa som kat!”

⁷² Indeeŋe tana na, man itaŋ mini ma iwe ru pa. To Petrus mataana ila pa sua ki Yesu ta iso pini ma iso: ‘Mbeŋ ta koozi, nu kola watkaala zoŋ pa tel, mana man itaŋ ma iwe ru pa.’ Tabe Petrus leleene isaana kat, mi itaŋ ma iyeryer.

15

*Yesu imender su Pilatus kereene uunu
(Mt 27:1-2,11-14; Lu 23:1-5; Yo 18:28-38)*

¹ Timbot ma mbeŋbeŋŋana, to zin bibip kizin patoronŋana kan ziŋan zin peeze kan mi zin ŋgarŋan ki tutu timap ma tilup zin, mi timbuk sua pa Yesu. To tipo i mi tikami ma tila tiuri la Pilatus namaana.

² Pilatus ikami, to iwi i ma iso: “Parei, nu tana, ta king kizin Yuda?” Yesu ipekel kwoono ma iso: “Sua ta so na.”

³ To zin bibip kizin patoronŋana kan timaŋga mi tingal sua boozo pini.

⁴ Tana Pilatus iwi i mini ma iso: “Parei, nu rao be pekel kwon som? Pa re. Zin timbel sua ŋgalŋana pu.”

⁵ Tamen Yesu ipekel sua sa som. Imaane men. Tabe Pilatus ikam ŋgar boozo.☆

Pilatus iyok be tipun Yesu ma imeete
(Mt 27:15-26; Lu 23:13-25; Yo 18:39-19:16)

⁶ Lupŋana biibi tana iso iwedet, na gabana ki Rom ikamam mbulu ta kembei: Zin wal ta timbotmbot lela ruumu sanaana leleene na, sombe iwal biibi tiwi i pa kizin tasa be iyooto, to izemi ma ila sorok.

⁷ Indeeŋe mazwaana tina na, tomtom ta, zana Barabas, ni ziŋan wal pakan timbotmbot lela ruumu sanaana tomini. Uunu kizin ta kembei: Muŋgu timaŋga ma tikam malmal be tiziiri zin Rom. Mi malmal tana na, tipun tomtom pakan ma timetmeete.

⁸ Tana iwal biibi tila tilup la ki Pilatus, mi timaŋga na tiwi i be ito mbulu tana mi ikam tomtom kizin sa ma iyooto.

⁹⁻¹⁰ Mi Pilatus, ni iute: Zin bibip kizin Yuda matan mburbur pa Yesu, tanata tikami ma tiuri la namaana. Tana iwi zin ma iso: “Parei, niom leleyom be aŋzem king tiom Yuda ma ima?”

☆ 15:5: Yesa 53:7

11 Tamen zin bibip kizin patoronɲana kan tikuru zin iwal lelen be tiyok la kalɲaana pepe mi tiwi i be izem Barabas ma iyooto.✧

12 Tabe Pilatus iwi zin mini ma iso: “Mi parei pa tomtom ta niom kosombe ni king tiom Yuda. Ko aɲkam parei pini?”

13 To tiboobo mini mi kalɲan izalla ma tiso: “Puni sala ke pambaaraɲana!”

14 Tabe Pilatus iwi zin mini ma iso: “Mi ni ikam so mbulu i?” Mi zin kezen keke la pini ma tiso: “Puni sala ke pambaaraɲana!”

15 Pilatus leleene be ikam iwal biibi tina ma lelen ambai, tana izem Barabas ma iyooto. Mi Yesu na, iuri la zin malmal kan naman ma tibalisi, to tikami ma tila be tipuni sala ke pambaaraɲana.

*Malmal kan tipeɲeu Yesu
(Mt 27:27-31; Yo 19:2-3)*

16 Zin malmal kan tikam Yesu ma tilela gabana ki Rom ruumu kini leleene. Mi sua ikam zin malmal kan ta boozomen ma timar tilup zin,

17-18 to tikam mburu totonɲana kembei ta kizin king i, mi tigiibi se regeene. Mi tikam wooro matanmatanɲana, mi tital ma tiur sala uteene. To tiyotyooto pini ma tiso: “Aa, king kizin Yuda. Niam ampakuru!.”

19 Mi tiballis uteene pa teene, mi tipureskaali, mi tiɲgungun kumbun mbukuunu pini.

20 Tipeɲeu i makinɲ, to tikinke mburu totonɲana ma isu, mi tiur itunu mburu kini ila niini. To tikami ma tila be tipuni sala ke pambaaraɲana.

✧ 15:11: Ngo 3:13+

Tipun Yesu sala ke pambaaranjana
(Mt 27:32-44; Lu 23:26-43; Yo 19:17-27)

²¹⁻²² Tiwwa ma tila pa zaala, mi tindeenje tomtom ta, zaana Simon. Ni imbot pa su mi imar be ilela pa kar biibi. Ni tomtom ki kar Kairini. Mi lutuunu bizin ru, zan Alisande ma Rupus. Timar tindeenji, to tiyasasaari be ikwaara ke pambaaranjana ki Yesu. Mi ziŋan tila ma tipet lele ta zaana Golgata (Golgata ka uunu ta kembei: Lele ki tomtom uteene putuunu).✧

²³ Mi tisombe tikam Yesu ka yok baen ta titooro ramaki koron ta tisombe mir * na. Tamen ni leleene be iwin som.

²⁴⁻²⁵ To tipuni sala ke pambaaranjana. Indeenje tana, zon mataana ikam kembei lamata mi paŋ. Mi tisombe tiparraai mburu kini ma irao zin. Tana tikam mbulu ta be tire so tomtom tabe ikam so mburu i.✧

²⁶ Mi uunu kini tabe imeete pa i, ina tibeede ta kembei: ‘Ingi king kizin Yuda.’

²⁷⁻²⁸ Mi tipun tomtom kuumbunjan ru tomen sala ke pambaaranjana. Ta imbot la ki Yesu namaana woono, mi toro imbot la ki nas.✧

²⁹ Zin iwal ta tilala timarmar mi tire sala pini na, uten suksuk sala pini, mi tigibgiibi sua repiilijana pini ma tiso: “Ywee, kam kosa kusa tau. Nu sombe reege Urum Merere ma isu lene, to pamender mini pa aigule tel tau!✧

³⁰ Mburom mi kamke itum ma su pa ke pambaaranjana ku tina.”

✧ **15:21-22:** Ro 16:13 * **15:23:** Mir na, koron ta ipunmeete yoyoujana. ✧ **15:24-25:** Mbo 22:18 ✧ **15:27-28:** Yesa 53:12

✧ **15:29:** Mbo 22:7, 109:25; Yo 2:19

³¹ Mi zin bibip kizin patoronɲana kan tomini, zinan zin ɲgarɲan ki tutu tipeɲeu i ma tiparzzo pizin ta kembei: “Ni imbot be iuluulu zin wal pakan. Mi parei ta irao be iuulu itunu som!

³² Ni isombe ni Mesia mi king kizin Israel. Ambai. Kozo tombot mi tere i ten. Sombe izem ke pambaaraɲana ma isu, nako tuurla kini!” Mi zin tomtom ru ta tipun zin raami na, zin tomini kwon pasomi.

Yesu imeete

(Mt 27:45-56; Lu 23:44-49; Yo 19:28-30)

³³ Zoɲ mataana ikam kembei aigule palakuutu, to zoɲ mataana imeete mi zugut biibi izuk toono tana ma imap, mi imbot ma irao zoɲ mataana ikam tel.

³⁴ To Yesu iboobo ma kalɲaana biibi. Iso: “Eloi, Eloi lama sabaktani!” Sua ti ka uunu ta kembei: Anutu tio, Anutu tio! Parei ta nu pizil ndemem pio?✧

³⁵ Tomtom pakan ta timbotmbot kolouɲana na, tilenɲ sua kini tana, to tiso: “Aa kelenɲ, ni iboobo Anutu kwoono Ilia.”

³⁶ To tomtom ta iloondo ma ila ikam koronɲ ta izenzen yok na, ma itizik sula baen pakpakɲana, mi ipo la ke molo. To isara sala ki Yesu be isemsem. Mi iso ta kembei: “Tombot mi tere i ten. Ko Ilia imar mi ikinke i ma isu pa ke pambaaraɲana kini ma inɲi.”✧

³⁷ Tona Yesu iyak ma kalɲaana biibi, mi iyataaɲa ma ka bolboolo ipol.

³⁸ Indeeŋe tana, kawaala biibi ta imbot lela Urum Merere leleene na, rek sala ki kor mi tun sula meleebe.

³⁹ Beso biibi kizin malmal kan ta imendernder su Yesu kereene uunu na, ire Yesu iyataanja mi ka bolboolo ipol na, iso ta kembei: “Nonoono kat, tomtom ti ni Anutu lutuunu. Pa meeteŋana kini ipa ndel kat!”[☆]

⁴⁰ Mi moori pakan ta timbotmbot molo ri mi matan lala pa Yesu. Zan ta kembei: Maria ta ki kar Magdala, Maria toro ta Yems ta nanŋan i ma Yose nan na, mi Salume.

⁴¹ Indeeŋe ta Yesu imbotmbot Galilea mi ikamam uraata kini na, zin moori ti ta titoto i mi timbesmbeeze pini. Mi zin moori ta ziŋan Yesu tiwwa ma timar Yerusalem na, boozomen timbotmbot mi tire meeteŋana kini.

Titwi Yesu

(Mt 27:57-61; Lu 23:50-56; Yo 19:38-42)

⁴²⁻⁴³ Aigule tana ina aigule tabe zin Yuda tiparaŋraŋ koron kizin pa aigule potomŋana tabe keten su pa i. Tana timbotmbot ma rou, to Yosep ki Arimatea imar ipet. Tomtom tina, ni imbot la lupuuŋu biibi kizin peeze kan kizin Yuda, mi tomtom boozomen matan se kini. Mi ni tomini iurur mataana pa peeze ki Anutu be ipet mat.

Yosep tana imoto som mi ila ki Pilatus, mi iwi i be ikam Yesu ma ila itwi i.

⁴⁴ Pilatus ilen kembei Yesu imeete karau men, to ikam ŋgar boozo. Tana iboobo biibi kizin malmal kan ma imar, mi iwi i pa Yesu: Ni imeete ma kup kat?

[☆] **15:39:** Mk 1:24

⁴⁵ Biibi kizin malmal kan iso: “E.” Tabe Pilatus iyok pa Yosep be ikam Yesu ma ila.

⁴⁶ Tana Yosep inġiimi kawaala kokouġana ta, mi ikam ma ila. Mi ikam Yesu putuunu ma isu, to izuki pa kawaala tana, mi iuri lela naala lene ta tiurpe lela raġ sumbuunu pataaġa kek. To ipatimbil pat biibi ta ma ila isekaala naala kwoono.

⁴⁷ Mi Maria ki Magdala ziru Maria ta Yose naana i timbotmbot mi tire la pa lele ta tiur Yesu ilela pa na.

16

Yesu burup ma imanġa pa naala
(Mt 28:1-8; Lu 24:1-12; Yo 20:1-10)

¹ Aigule potomġana kizin tabe keten su pa i imap ma ila, tona Maria ki Magdala, ziru Maria ta Yems naana i, mi Salume, zin tel tila tinġiimi koron kuzinġan, mi tikam ma tila be tisuulu se Yesu putuunu.

² Tana aigule mataana kana, mbenbenġana ta zon pok ma ise na, zin timanġa mi tiwwa ma tila pa naala.

³⁻⁴ Tiwwa ma tila pa zaala lwoono, mi tiparzzo pizin ta kembei. Tiso: “Inġi kozo ko asiġ ipatimbil pat biibi pa naala kwoono piti?” Tipet naala mi matan ila na, tire pat biibi tana imbot mini muriini som, mi kembei ta tipatimbil ma ilae kek.

⁵ To tilela pa naala leleene. Tilela na, tire nanġan ta iru pa mburu kokouġana mi mbuleene isu ma imbotmbot la ki naman woono. Tire i na, timorsop mi motoġana biibi ikam zin.

⁶ To ni iso: “Komoto pepe. Nio aġute: niom kurru Yesu ki kar Nasaret ta tipuni ma imeete sala ke

pambaaranjana na. Mi ni imbotmbot ti mini som. Ni burup ma imanja ma ila kek. Kere. Muriini ta tiuri pa ta ti.

⁷ Tana kala mi koso uruunu pizin nanjanj kini. Mi motoyom injal Petrus tomini bekena kosotaari. Koso pizin ta kembei: Yesu, ni imuungu ma ila Galilea be izza yom. Kala kepet kini, to ko kere i kembei ta munju ni iso piom na.”

⁸ To tiyooto ma tipet mat, mi tiko ma tila len. Pa motojana biibi ikam zin ma ngar kizin imap. Mi tiso koronj tana pa tomtom sa som.

Yesu ipet ki Maria ki Magdala

(Mt 28:9-10; Yo 20:11-18)

⁹ Aigule mataana kana, mbenbenjana na, Yesu burup ma imanja pa naala mi ila ipet ki Maria ta ki kar Magdala munju. Maria tina, ta munju Yesu iziiri bubujana sananjan lamata mi ru pini na. ✧

¹⁰ Maria ire i, to ila ma isotaara zin wal ta tigabgaaba Yesu na. Pa lelen izanzaana mi titanjanj pini ma timbotmbot.

¹¹ Ni iso pizin ta kembei: Ni ire kat Yesu pa mataana kek. Ni mataana iyaryaara ma imbotmbot. Tamen tilej na, tiurla sua kini som.

Yesu ipet ki nanjanj kini ru

(Lu 24:13-35)

¹² Kaimer to nanjanj ru ki Yesu tizem kar biibi, mi tiwwa pa zaala ma tila na, ni ipet kizin isu zaala lwoono. Tamen runguunu ipa ndel.

¹³ Ziru tire i, to tiloondo ma timiili mini be tisotaara zin nanjanj pakan. Tamen ziru sua kizin tana, tiurla som tomini.

✧ 16:9: Lu 8:2

Yesu ipet ki nanḡaḡ kini laamuru mi ta
(Mt 28:16-20; Lu 24:13-53; Yo 20:19-23; Nḡo 1:6-8)

¹⁴ Kaimer, mana nanḡaḡ kini laamuru mi ta, zin tilup zin mi tikanan kini ma timbotmbot. Mi Yesu ipet kizin mi iyaamba zin. Paso ni imanḡa mini pa naala, mi wal pakan tire i mi tila tiso uruunu pizin kek. Tamen nḡar kizin imbol mi tiurla som. ✧

¹⁵ Mi ni iso pizin ma iso: “Kala ma kapa pa toono ta boozomen mi kosoyaara uruḡ ambaiḡana pizin tomtom ta munḡaana men ta timbotmbot su toono na. ✧

¹⁶ Wal ta so tiurla mi tikam yok, inako Anutu ikamke zin ma timbot matan yaryaara. Mi zin wal ta so tiurla som, inako Anutu iur kadoono pizin ma tila len. ✧

¹⁷ Mi wal ta so tiurla, nako anḡkam len mburan be titooro mos pakan ma ipet. Mos ta kembei: Zin ko tiziiri bubuḡana sananḡan pizin tomtom pa nio zoḡ, mi tiso sua ila karkari kalḡan ta zitun tiute som. ✧

¹⁸ Mi so titeege mooto sananḡana sa, som tiwin koronḡ sananḡana sa, nako irao be ipasaana zin na som. Mi sombe tiur naman sala zin metenḡan, nako nin ambai ma timanḡa mini.” ✧

Yesu isala pa saamba
(Lu 24:50-53; Nḡo 1:9-11)

✧ **16:14:** 1Kor 15:5+ ✧ **16:15:** Mt 28:19; Nḡo 1:8; Kol 1:23
✧ **16:16:** Yo 3:18,36, 12:48; Nḡo 2:38; Ro 10:9 ✧ **16:17:** Nḡo 5:16, 8:7, 10:46; 1Kor 12:10,28 ✧ **16:18:** Lu 10:19; Nḡo 3:7+, 28:3+; 1Kor 12:9; Yems 5:14+

¹⁹ Merere Yesu iso sua pizin nanɗaŋ kini maŋiŋ, to Anutu ikami ma isala pa kar saamba, mi mbuleene su Anutu namaana woono. ☆

²⁰ Mi nanɗaŋ kini tila mi tisoyaara uruunu ambaijana ma irao lele ta boozomen. Mi Merere igabgaaba zin pa uraata kizin, mi ipombolmbol zin ma titortooro mos pakan ma iwedet, bekeno tomtom tikilaala kembei sua kizin sua ŋonoono. ☆

☆ **16:19:** Mbo 110:1; Nɗo 2:33+, 7:55; Ro 8:34; Ibr 1:3
☆ **16:20:** Nɗo 4:29, 14:3; Ibr 2:3

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593